

Ala xa Masenyi Annabi Yosuwe be

Masenyi nde yi Kitaabui xa fe ra

Isirayilakae xa taruxui sebexi kitaabui gbegbe nan kui. A fɔlɔma Tawureta Munsu nan ma. Isirayila kuntigie, Annabi Iburahima, Annabi Isiyaga, Annabi Yaxuba, nun a xa di fu nun firinyie, e birin xa taruxui toma Tawureta Munsu kitaabui singe nan kui, naxan xili «Fe Fɔlɔ Fɔle.» Na kitaabui rapɔnyi a masenma won be Isirayilakae Misira bɔxi li ki naxe.

Tawureta Munsu kitaabui firin nde, naxan xili «Isirayilakae xa yete sɔtɔe,» a fɔlɔma Annabi Munsu xa taruxui nan ma. Ala naxa a ragiri a xa bari Misira bɔxi ma, alako a xa Isirayila jama ramini konyiya kui.

Isirayilakae to Xulunyumi Baa igiri Ala xa kaabanakoe saabui ra, e naxa so gbengberenyi ma. Ala nu wama e xaninfe Kanaan bɔxi nan ma, a dennaxe laayidi fife ra Isirayilakae ma. Tawureta Munsu kitaabui saxan nde, a naani nde, nun a suuli nde na biyaasi xa fe masenma. Isirayila jama naxa bu gbengberenyi ma jɛ tongo naani beenun e xa Kanaan bɔxi li. E bu naa e xa danxaniyatareja nan ma fe ra.

E to keli Yuruden xure igiride, e xa so Kanaan bɔxi ma, Alatala naxa a masen Isirayilakae be a Yosuwe xa findi e xa yarerati ra Annabi Munsu jɔxɔe ra. Annabi Yosuwe naxa e ragiri Yuruden xure ra Ala xa kaabanakoe ra, alɔ Annabi Munsu e ragiri xulunyumi Baa ra ki naxe.

Na dangi xanbi, Yosuwe naxa e xun ti Kanaan bɔxi ra, e xa gere so alako e xa na bɔxi sɔtɔ. Ala nu wama na fife e ma a xa xanunteya nun a xa saatɛ nan ma fe ra. Na kui, a naxa e mali na geree kui, han Kanaankae birin naxa gaaxu e ya ra. Isirayila bɔnsɔe fu nun firinyi birin naxa e gbe bɔxi sɔtɔ Ala naxan fi e ma e ke ra.

Na taruxui birin sebexi yi kitaabui kui, kelifɛ jama Yuruden igiri temui naxe, han e naxa nɔ Kanaan bɔxi birin na. Na kui won Ala senbe toma ne a fanyi ra. A xa jama rafan a ma. A laayidi yo tongo e be, a na rakamalima ne senbe nun xanunteya ra. Na birin findima misaali fanyi nan na won be. Xa won fan findi Ala xa mixie ra, a won malima won ma dunijeigiri kui a senbe ra, alɔ a a laayidi won be ki naxe.

Ala xa won mali alako won xa na masenyi fahaamu, won man xa la a ra. Amina.

Ala xa Masenyi Annabi Yosuwe be

Isirayila yarerati Yosuwe

1 ¹ Annabi Munsu, Alatala xa konyi to laaxira, Alatala naxa a masen Nunu xa di xeme Yosuwe be, Annabi Munsu malima, ² «N ma konyi Munsu bara laaxira. Yakɔsi, keli i xa Yuruden igiri nun yi jama birin na. Wo xa siga bɔxi ma n dennaxe sofe Isirayilakae yi ra. ³ Wo na wo sanyi ti dennaxe birin ma, n naa fima ne wo ma, alɔ n a masen Annabi Munsu be ki naxe. ⁴ Wo xa naaninyie kelima gbengberen yire ne, a sa dɔxɔ Liban geyae ra, han Efirati xure belebele ra, Xitikae xa bɔxi birin sa dɔxɔ Baa Xungbe ra sogegorode. ⁵ Mixi yo mu nɔma i ra i xa simaya kui. Won birin na a ra, alɔ muxu nun Munsu nu a ra ki naxe. N mu i rabɛjinma, n mu i raboloma.»

⁶ «I i senbe so, i xa limaniya, barima i tan nan findima saabui ra yi jama be, e xa nɔ ke tongode, n nan n kali bɔxi naxan xa fe ra e babae be fife ra e ma. ⁷ I lan ne i xa i senbe so, limaniya xa lu i be ki fanyi ra. I xa i jengi sa yi seriye birin xɔn ma, i xa a rabatu alɔ n ma konyi Annabi Munsu i yamarixi a ra ki naxe. I naxa binya

yirefanyi ma, i naxa binya koola ma, alako i xa xutu soto yire ma i na siga dennaxe.⁸ Yi seriye kitaabui fale mu lan a xa makuya i de ra. I xa i jengi sa a xon ma koe nun yanyi, alako i xa a birin nabatu. Naxan birin sebexi i xa a rawali, barima na nan a niyama i na so fe naxan birin ya ma, i xutu soto ma a ma, i findima a ra na ki ne.⁹ N naxan falaxi i be, i naxa neemu. I i senbe so, i xa limaniya. I naxa gaaxu, i naxa hanme, barima i na siga dede, i nun n tan i Marigi Alatala birin na a ra.»

¹⁰ Yosuwe naxa yi yaamari so jama xunyie yi ra: ¹¹ «Wo wo jere jama tagi, wo e yaamari yi ra, «Wo wo xa donsee xunlan, barima won fama Yuruden igiride beenun xi saxon, alako wo xa boxi masoto won Marigi Alatala naxan sofe wo yi.»

¹² Yosuwe naxa a fala Ruben bomsae, Gadi bomsae, nun Manasi bomsae seeti be, ¹³ «Wo ratu Alatala xa konyi Munsa xa yaamari ma. A to a fala, «Wo Marigi Alatala bara malabui fi wo ma. A bara yi boxi so wo yi.» ¹⁴ Wo xa ginnee, wo xa die, nun wo xa xurusee noma lude boxi ma Annabi Munsa naxan soxi wo yi ra Yuruden kiri ma. Kono wo tan tima a gereso ki nan ma wo ngaxakerenyie ya ra. Wo xa e mali, ¹⁵ han beenun Alatala malabui fima e ma temui naxe alo wo tan, han e fan xa boxi masoto wo Marigi Alatala naxan fife e ma. Na xanbi, wo man fa gbilen wo xa boxi ma, Alatala xa konyi Munsa naxan fixi wo ma Yuruden kiri ma, sogetede biri.»

¹⁶ E naxa Yosuwe yaabi, «I muxu yamarixi fe naxan birin na, muxu a rabama ne. I na muxu xee dennaxe fan, muxu sigama ne. ¹⁷ Muxu i xui rabatuma ne fe birin ma, alo muxu Annabi Munsa xui rabatu ki naxe. I Marigi Alatala xa bira i fono ra alo e nun Munsa nu a ra ki naxe. ¹⁸ Mixi yo kalabante i xui ma, a mu bira i woyen xui fono ra, i fe naxan birin falama a be, a mu na me, na kanyi faxama ne. I xa i senbe so, i man xa limaniya.»

Fe rabenfe Yeriko

2 ¹ Nunu xa di Yosuwe, naxa fe rabenyi firin xee a gundo ki ma keli Sitimi sigafe ra Yeriko. A naxa a fala e be, «Wo siga Yeriko taa nun a rabilinyi rabende.» E naxa siga, e sa so Raxabi langoe gine nde xa banxi kui. Na naxa e yigiya naa. ² Yerikoka ndee naxa sa a fala e xa mange be, «I bara a to, Isirayilaka mixi firin bara fa to koe ra, e xa fa yi boxi raben.» ³ Na kui, Yeriko mange naxa xerae xee Raxabi ma, e xa a fala a be, «Xeme naxee soxi i xonyi, e ramini, barima e faxi yi boxi ife nan birin nabende.»

⁴ Kono Raxabi nu bara yi xeme firinyie xanin, a sa e noxun. A naxa a fala mange xa xerae be, «Iyo, yi xemee fa ne n xonyi, kono n mu e kelide kolon. ⁵ E siga ne nunmare ra, taa naade balan temui. Yi xemee sigaxi dede, n mu a kolon. Xa wo sa wo xulun, wo noma e suxude!» ⁶ Raxabi nu bara yi xemee rate banxi gbanyi ra, a e noxun sansi xabaxi xaree ya ma. ⁷ E fenmae naxa siga Yuruden kira xon, han e xure igiride li. E to mini, taakae naxa taa naade balan.

⁸ Beenun fe rabenyie xa xi, Raxabi naxa te banxi gbanyi ra e yire. ⁹ A naxa a fala e be, «N bara a kolon, Alatala bara muxu xa boxi so wo yi ra. Wo mirinyi bara a niya limaniya bara ba muxu tan birin yi ra. Yi boxi mixie bara seren wo ya ra, ¹⁰ barima muxu bara a me a Alatala bara Xulunyumi Baa xara wo ya ra, wo nu minima Misira temui naxe. Muxu man bara a me wo naxan nabaxi Amorikae xa mange firinyie ra, Sixon nun Ogo, naxee nu na Yuruden kiri ma. Wo naxa e raton, a nun e ke birin na. ¹¹ Muxu to na fe me, muxu bope naxa kana. Limaniya naxa ba kankan yi ra wo xa fe ra, barima wo Marigi Alatala nan na Ala ra koore nun boxi ma.»

¹² «Yakosi, wo xa wo kali n be Alatala xili ra, a n kui ifanyina naxan nabaxi wo be, wo fan noma na kui ifanyina moeli rabade n tan fan nun n ma denbaya be. Wo xa tonxuma nde so n yi ra, alako n xa a kolon ¹³ wo mu n baba, n nga, n xunyae, n taarae, nun e xa mixi keren faxama.»

¹⁴Na xemee naxa Raxabi yaabi, «Muxu redixi faxafe ma wo ɲɔɲɔ ra. Xa i mu muxu xa fe fala mixi yo be, muxu fan kui ifanyɲa rabama ne i be dugutegeɲa nun tinxinyi ra, Alatala na yi ɓɔxi so muxu yi ra temui naxe.» ¹⁵Raxabi naxa na xemee ragoro luuti ma wunderi ra, barima a xa banxi nu fatuxi tete nan na. A nu sabatixi na tete nan kui. ¹⁶Raxabi naxa a fala e be, «Wo siga geya biri, xa na mu a ra wo fenmae wo toma ne. Wo xa wo ɲɔɲun menni han xi saxan, beemanu wo fenmae gbilenma temui naxe. Na xanbi, wo fa siga wo xa jere ra.»

¹⁷Na xemee naxa a fala Raxabi be, «Muxu mu muxu xa marakali kanama, ¹⁸ƙɔɲo fo i xa yi luuti gbeeli xiri wunderi ra, i muxu ramini dennaxe ra. Muxu na fa temui naxe yi ɓɔxi ma, a lanma muxu xa na luuti li naa. I man xa i baba, i nga, i taarae, i xunxae, nun i xa mixie birin malan be i xa banxi kui. ¹⁹Xa mixi yo mini i xa banxi kui, xa na kanyi faxes, a a tarixi ne, muxu tan ɓɔxi mu na ki. Ƙɔɲo xa muxu xa mixi nde a belexe din i xa mixi nde ra i xa banxi kui, muxu muxu tarixi ne na temui. ²⁰Xa i muxu xa fe fala mixi nde be, muxu bara fulun yi marakali ma.» ²¹Raxabi naxa e yaabi, «Won bara lan na ma.» A naxa na xemee beɲin, e naxa siga. Na temui a naxa na luuti gbeeli xiri wunderi ra.

²²Na xemee naxa siga. E to geya yire li, e naxa e ɲɔɲun naa xi saxan, han e fenmae naxa gbilen. E fenmae naxa e fen kira ɲɔɲ, ƙɔɲo e mu e to. ²³Na temui na xeme firinyie naxa goro geya fari fa, e Yuruden igiri, e gbilen Nunu xa di Yosuwe yire. Fe naxan e sɔɔ, e naxa na birin tagi raba a be. ²⁴E naxe Yosuwe be, «Muxu a kolon Alatala bara na ɓɔxi birin sa won belexe i. Limaniya bara ba na ɓɔxi mixi birin yi ra tife ra won kanke.»

Yuruden igirife

3 ¹Yosuwe naxa kurun keli ra Sitimi, e Yuruden li, a tan nun Isirayilakae birin. E naxa xi menni han beenun Yuruden igiri ɓɔɲɔ xa a li. ²A xi saxan nde, jama xunye naxa jama yonkinde jɲere, ³e fa jama yaamari yi ra, «Wo na wo Marigi Alatala xa saate kankira to temui naxe, a ɔɲɔxi Lewi die serexedubee xun ma, wo xa bira e ɓɔɲ ra. ⁴Ƙɔɲo a lanma yaamile keren xasabi xa lu wo tan nun e tan tagi. Wo naxa wo makɔre e ra de. Wo fama kira tode na ki ne wo wo jɛrema naxan ɲɔɲ, barima wo singe mu nu mini na kira ra sinden.» ⁵Yosuwe naxa a fala jama be, «Wo wo yete raseniyen, barima tina Alatala kaabanakoe masenma ne wo be.»

⁶Na kuye iba, Yosuwe naxa a fala serexedubee be, «Wo saate kankira tongo, wo xa ti jama ya ra.» E naxa saate kankira tongo, e naxa e jere jama ya ra.

⁷Alatala naxa a masen Yosuwe be, «N i xa fe gbo ɓɔɓma ne Isirayilakae birin ya xɔri to ɓɔɲɔ, alako e xa a kolon won birin na a ra, alɔ muxu nun Munsa nu a ra ki naxe. ⁸I tan fan xa yi yaamari so serexedubee yi naxee yi saate kankira xaninma, «Wo na Yuruden xure de li, na temui wo xa goro Yuruden ye xɔɔra.»

⁹Yosuwe naxa a masen Isirayilakae be, «Wo fa be, wo xa wo tuli mati wo Marigi Alatala xa masenyi ra.» ¹⁰Yosuwe naxa a masen, «Yi nan fama a niyade wo xa a kolon Ala jɲɛ na a ra. A na wo tagi, a tan fama ne Kanaankae, Xitikae, Hiwikae, Perisikae, Girigasakae, Amorikae, nun Yebusukae ragide wo ya ra. ¹¹Wo bara a to Marigi, naxan na dunɲa birin Marigi ra, na xa saate kankira tixi wo ya ra, a na Yuruden igirife. ¹²Yakɔsi wo xa xeme fu nun firin sugandi Isirayila ɓɔɲɔ fu nun firinyie ya ma, ɓɔɲɔɔ keren, xeme keren. ¹³Serexedube naxee dunɲa birin Marigi Alatala xa saate kankira xaninma, nee nefe e sanyi rasin Yuruden xure ma, Yuruden ye bolonma ne. Ye naxan kelima fuge biri ra, na birin a malanma yire keren ne.»

¹⁴Nama to mini e xa kiri banxie kui Yuruden igirife ra, serexedube naxee saate kankira xaninma, nee fan naxa e jere ɓɔɓ jama ya ra. ¹⁵Serexedubee fefe Yuruden li, e e sanyie rasin ye xɔɔra, Yuruden xure naxan ye nu banbaranma yire birin na xe xaba temui, ¹⁶na ye naxan kelima fuge biri ra, na naxa bolon, a fa malan yire

makuye Adama taa longori, naxan nu na Saratan taa fe ma. Ye naxan goroma Ɔɔɔɔ Baa ma Yuruden fole kui, na birin naxa bolon, jama naxa giri Yeriko ya tagi. ¹⁷ Serexedube naxee nu Alatala xa saate kankira xaninma, nee naxa ti Yuruden tagi boxi xare ma, han Isirayila bɔnsɔɔ birin naxa ge Yuruden igiride e xaraxi ra.

Geme fu nun firinyie

4 ¹ Nama birin to ge Yuruden igiride, Alatala naxa a masen Yosuwe be, ² «Wo xeme fu nun firin mayegeti jama ya ma, bɔnsɔɔ keren, xeme keren. ³ Wo xa e yaamari e xa geme fu nun firin tongo Yuruden xure tagi serexedubee sanyi xaraxie nu tixi dennaxe. Wo e xanin yire wo kɔɔ radangima dennaxe.»

⁴ Yosuwe naxa xeme fu nun firinyie xili e naxee mayegetixi Isirayilakae ya ma, bɔnsɔɔ keren, xeme keren. ⁵ Yosuwe naxa a fala e be, «Wo dangi wo Marigi Alatala xa saate kankira ya ra, wo xa siga Yuruden xure tagi. Wo tan mixi keren kerenma birin xa geme keren keren tongo Isirayila bɔnsɔɔ kɔnti ma, wo a ɔɔɔ wo tunkie fari, ⁶ alako na xa findi tɔnxuma ra wo tagi. Wo xa die fama wo maxɔrinde tina, «Yi gemee findixi wo be munse ra?» ⁷ Wo a falama ne e be, «Yi nan a masenxi a Yuruden ye bolon ne Alatala xa saate kankira ya ra. A nu Yuruden igirima temui naxe, xure ye birin naxa bolon. Yi gemee findixi ɔɔɔ rasiga se nan na Isirayilakae be temui birin.»

⁸ Yosuwe naxan fala Isirayilakae be, e naxa na raba. E naxa geme fu nun firinyie tongo Yuruden xure tagi, alɔ Alatala a masen Yosuwe be ki naxe, e sa e tongo Isirayila bɔnsɔɔ kɔnti ma. E naxa e xanin jama yonkinde, e e ɔɔɔ naa. ⁹ Yosuwe naxa geme fu nun firin gbete malan Yuruden xure tagi, Ala xa saate kankira xaninmae nu tixi dennaxe. Han to na geme malanxie na naa. ¹⁰ Serexedube naxee nu saate kankira xaninma, nee naxa ti Yuruden xure tagi, han jama ge Alatala xa yaamari birin nabatude, alɔ Annabi Munsa nu bara a masen Yosuwe be ki naxe. Nama birin naxa dangi mafuren mafuren. ¹¹ E to bara ge dangide, serexedubee naxa dangi jama ya ra, e nun Alatala xa saate kankira. ¹² Ruben bɔnsɔɔ, Gadi bɔnsɔɔ, nun Manasi bɔnsɔɔ seeti naxa dangi, e ti e gereso ki ma Isirayila jama ya ra, alɔ Annabi Munsa a fala e be ki naxe. ¹³ Geresoe mixi wulu tongo naani jɔndɔn naxa dangi Alatala ya tode ra, geresose na e yi ra, e redixi sigafe ra Yeriko fiili ma gere sode.

¹⁴ Na ɔɔɔ Alatala naxa Yosuwe xili gbo Isirayilakae birin ya xɔri. E naxa a binya a xa simaya kui alɔ e nu Annabi Munsa binyama ki naxe.

¹⁵ Na xanbi Alatala naxa a masen Yosuwe be, ¹⁶ «Serexedubee yaamari, naxee seriye kankira xaninma, e xa te Yuruden xure kui.» ¹⁷ Yosuwe naxa serexedubee yaamari, «Wo te Yuruden xure kui.» ¹⁸ Serexedube naxee Alatala xa saate kankira xaninma, nee nu e sanyi talama temui naxe kelifa ra Yuruden xure kui, Yuruden ye man naxa gbilen a yire, a man naxa a jere folɔ alɔ a singe. A naxa banbaran ye Yuruden yire birin ma.

¹⁹ Nama keli Yuruden xure kike singe xi fu nde ne, e fa sa yonkin Giligali, Yeriko sogetede biri.

²⁰ Yosuwe naxa geme fu nun firinyie malan Giligali, e naxee tongo Yuruden xure tagi, ²¹ A naxa a fala Isirayilakae be, «Xa wo xa die sa wo maxɔrin yi gemee xa fe ra, ²² wo xa e yaabi, «Isirayila yi Yuruden xure igiri a xaraxi nan na.» ²³ Wo Marigi Alatala yi xure xaraxi wo ya xɔri ne, han wo birin naxa ge dangide alɔ wo Marigi Alatala a raba Xulunyumi Baa ra ki naxe. Na naxa xara muxu ya xɔri han muxu birin naxa ge a igiride, ²⁴ alako dunipa si birin xa no a kolonde Alatala xɔnye findixi xɔnye barakaxi nan na, wo man xa gaaxu wo Marigi Alatala ya ra.»

Sunna ti nun Sayamaleke Dangi Sali

5¹ Amorikae xa manglee naxee nu na Yuruden kiri ma sogegorode, a nun Kanaan manglee naxee birin nu na baa de ra, e to a me, Alatala bara Yuruden xara Isirayilakae ya ra, han e birin naxa ge giride, e bopee naxa bolon, limaniya fan naxa ba e yi ra Isirayilakae xa fe ra. ²Na temui, Alatala naxa a masen Yosuwe be, «Geme xeyenxie yailan finde ra, i man xa Isirayilakae sunna.» ³Yosuwe naxa gemee yailan finde ra, a naxa Isirayilakae sunna geya fe ma. E naxa naa xili sa laaga.

⁴Yosuwe e sunna yi fe nan ma. Nama naxan birin keli Misira, xeme geresoe birin faxe ne gbengberenyi kira xon ma, e keli xanbi Misira. ⁵Nama naxan birin keli Misira, e birin nu sunnaxi, konko mixi naxee birin bari gbengberenyi kira xon ma e keli xanbi Misira, nee keren mu nu sunnaxi. ⁶Na kui, Isirayilakae nu bara ne tongo naani nere raba gbengberenyi ma, han xeme geresoe birin naxa ge faxade naxee tondi Alatala xa yaamari rabatude. Alatala nu bara a kali, a e mu fama boxi tode Alatala a kali e babae be naxan xa fe ra a sofe ra e yi, xipe nun kumi xelema boxi naxan ma. ⁷Alatala e xa die nan findixi e joxoe ra. Yosuwe naxa e sunna, barima e mu nu sunnaxi biyaasi kui.

⁸E to ge bonsoe birin sunnade, e naxa lu yire keren malabude han e birin ge yalande. ⁹Alatala naxa a masen Yosuwe be, «To loxo e n bara Misira yaagi makuya wo ra.» Na nan a toxi menni xili falama Giligali han to.

¹⁰Isirayilakae naxa yonkin Giligali Yuruden fili ma Yeriko biri ra, e Sayamaleke Dangi Sali raba naa nunmare temui, kike xi fu nun naani nde. ¹¹Sayamaleke Dangi Sali kuye iba, e naxa na boxi daxamui, taami lebinitare, nun sansi xori ganxie don. ¹²E to boxi daxamui don, na kuye iba, mana mu goro sonon. Isirayilakae fa Kanaan boxi daxamui gbansan nan don na ne ra.

Yeriko suxui

¹³Loxo nde Yosuwe nu na Yeriko longori. A naxa xeme nde to, a tixi a ya i, a xa santidegema mageli suxuxi a yi. Yosuwe naxa a makore a ra, a a maxorin, «I na muxu tan nan be, ka muxu yaxui nan lanxi i ma?» ¹⁴A naxa Yosuwe yaabi, «N tan nan na Alatala xa soorie xa mange ra. N bara fa.» Yosuwe naxa a felen a bun ma, a fa a fala a be, «N Marigi munse masenxi a xa konyi be?» ¹⁵Alatala xa soori mange naxa a fala Yosuwe be, «I xa sankirie ba i sanyi, barima i tixi yire naxe yi ki, yire seniyenxi na a ra.» Yosuwe naxa a xa sankirie ba a sanyi.

Yosuwe xa xutu sothe Yeriko ma

6¹Yeriko sode de birin nu mabalanxi ne Isirayilakae xa fe ra. Mixi mu minima, mixi mu soma. ²Alatala naxa a masen Yosuwe be, «A mato, n bara Yeriko taa sa i belexe, a mange, nun a soori jalamae. ³I xa geresoe birin xa yi taa rabilin sanmaya keren xi keren kui, xi senni bun ma. ⁴Serexedube mixi solofere xa yexee kontonyi feri solofere suxu e yi ra, e xa nere saate kankira ya ra. A xi solofere nde, wo xa taa rabilin sanmaya solofere, serexedube nu fa feri fe. ⁵E na yexee kontonyi feri fe, wo naxa a xui me, nama birin xa sonxo gbege rate. Na temui tete naxan taa rabilinxi, na birama ne a yete ma. Kankan tixi dennaxe biri, a xa so menni ra.»

⁶Nunu xa di Yosuwe naxa serexedube xili, a a fala e be, «Wo Alatala xa saate kankira tongo. Serexedube solofere xa yexee kontonyi feri solofere tongo, wo xa ti Alatala xa saate kankira ya ra.» ⁷A naxa a fala nama be, «Wo dangi, wo xa taa rabilin. Makantati singee xa ti Alatala xa saate kankira ya ra.»

⁸Yosuwe a fala nama be ki naxe, e naxa a raba na ki. Serexedube solofere, yexee kontonyi feri solofere nu suxuxi naxee yi Alatala ya i, nee naxa e nere, e nu fa feri fe. Alatala xa saate kankira xaninmae naxa bira e foxo ra. ⁹Makantati singee naxa

ti serexedubee ya ra naxee nu feri fefe. Makantati dɔnxɔe naxa ti saate kankira xanbi ra. E nu fa e ɲere feri xui ma. ¹⁰Yosuwe nu bara yi yaamari so ɲama yi ra, «Wo naxa sɔnxɔe rate, wo naxa wo xui ite, mixi yo naxa wɔyen han n na a falama wo be lɔxɔe naxe. Na temui kɔre, wo fa sɔnxɔe rate.» ¹¹Alatala xa saate kankira naxa taa rabilin sanmaya keren. Na xanbi e naxa gbilen ɲama yonkinde, e xi naa.

¹²Yosuwe naxa keli subaxe ma, serexedubee naxa Alatala xa saate kankira tongo. ¹³Serexedube soloferee, feri soloferee suxuxi naxee yi, nee naxa e ɲere fɔlɔ Alatala xa saate kankira ya ra, e nu fa feri fe. Makantati singee tixi yare, Alatala xa saate kankira ya ra. Makantati dɔnxɔe fan tixi a xanbi ra, e e ɲerema feri xui ma. ¹⁴A xi firin nde, e naxa taa rabilin sanmaya keren, e fa gbilen ɲama yonkinde. E naxa na mɔɔli raba xi senni bun ma.

¹⁵A xi solofere nde, e naxa keli subaxe ma, e taa rabilin alɔ e darixi a ra ki naxe. Kɔnɔ yi biyaasi, e naxa na raba sanmaya solofere. E taa rabilin sanmaya solofere na xi solofere nde kansan ne. ¹⁶A sanmaya solofere nde, serexedubee naxa feri fe fa. Yosuwe fa a fala ɲama be, «Wo sɔnxɔe rate, barima Alatala bara yi taa sa wo belexe. ¹⁷Alatala bara yi taa ratɔn nun a isee birin natɔn, fo Raxabi langoe gine kerenyi peti naxan natangaxi, nun mixi naxee birin na a xa banxi kui, barima a tan nan yigiya fi won ma xɛrae ma. ¹⁸Kɔnɔ wo a idɔyin se ratɔnxie ma, wo naxa keren xanin wo xun, xa na mu a ra Isirayila ɲama findima ne se ratɔnxi ra. ¹⁹Gbeti, xɛema, wure, nun wure gbeeli, nee findima Alatala nan gbe ra. Wo xa e ragata a be.»

²⁰ɲama naxa sɔnxɔe rate, serexedubee nu fa feri fe. ɲama to feri xui me, e naxa sɔnxɔe gbege rate. Tete naxa bira a yete ma, ɲama fa so keren na taa kui. Taa naxa findi e gbe ra. ²¹E naxa taa ratɔn, e na taa mixi birin faxa santidegema ra, xɛmee nun ginɛe, dimɛe nun forie, ningee, yexɛee nun sofalee. ²²Yosuwe nu bara a fala yi xɛme firinyi be, naxee siga yi bɔxi rabende, «Wo siga na langoe gine xa banxi kui, wo a ramini a nun a xa mixie birin, alɔ wo wo kali a be ki naxe.» ²³Yi segetala fe rabenyi firinyie naxa siga, e sa Raxabi ramini banxi kui. E naxa a baba, a nga, a taarae, a xunye, nun a baribooree birin namini, e fa e makanta e kerenyi ma Isirayila ɲama yonkinde seeti ma. ²⁴Isirayilakae naxa taa gan a nun a isee birin na, fo gbeti, xɛema, wure, nun wure gbeeli. E naxa nee raso naafuli ragatade Alatala xa banxi kui.

²⁵Yosuwe naxa Raxabi langoe gine lu a si ra, a nun a xa mixie birin. Raxabi naxa sabati Isirayilakae ya ma. Han to a bɔnsɔe na naa, barima a yigiya fi ne Yosuwe xa xɛra fe rabenyi firinyie ma Yeriko.

²⁶Na waxati Yosuwe naxa yi marakali ti, «Danke na mixi be naxan gbilenma Yeriko taa ti ra. Na kanyi xa di singe nan findima na biriki singe sare ra, nun a xa di dɔnxɔe nan findima taa naade sare ra.»

²⁷Alatala nun Yosuwe nan nu a ra. Yosuwe xili naxa te, a din bɔxi birin na.

Akan xa gbaloe

7 ¹Kɔnɔ Isirayilakae naxa Alatala xui matandi, e se ndee tongo a tɔnyi dɔxɔxi naxee ra. Akan, Karimi xa mamadi, Sabidi tolobite, Sera xa tolontolonyi, Yuda bɔnsɔe ya ma, nu bara se ratɔnxie tongo, Alatala bɔɲe fa te Isirayilakae xili ma na xa fa ra.

²Yosuwe naxa mixie xɛe keli Yeriko, sigafe ra Ayi, dennaxe na Beti Aweni fe ma, Beteli sogetede. A naxa a fala e be, «Wo te, wo xa sa na bɔxi raben.» Na xɛmee naxa te Ayi bɔxi rabende. ³E naxa gbilen Yosuwe yire, e a fala a be, «Hali ɲama birin mu siga, mixi wulu firin, xa na mu mixi wulu saxan nan xa te, e Ayi mixie bɔnbɔma ne. I naxa ɲama birin natagan yi fe ma, barima won gerefae mu gbo.» ⁴Na kui mixi wulu saxan ɲɔndɔn naxa te gere xili ma. Kɔnɔ Ayi mixie naxa nɔ e ra, e fa e gi

e ya ra. ⁵ Ayikae naxa mixi tongo saxan nun senni faxa Isirayilakae ra. E naxa e keri keli taa sode de ra han Sabarimi. E goro goro ma na kira ra, e naxa no e ra.

Na kui Isirayila nama bope naxa kana, limaniya naxa ba e yi ra. ⁶ Yosuwe naxa a xa sose iboo a ma, a naxa a yatagi rafelen boxi ma Alatala xa saate kankira ya i han nunmare, a tan nun Isirayila forie. E naxa bende maso e xunyie ma nimise xa fe ra. ⁷ Yosuwe naxa a fala, «N Marigi Alatala, munfe ra i a niyaxi yi nama xa Yuruden igiri? I wama muxu safe Amorikae belexe ne, i xa gan muxu ra? Muxu na a kolon nu, hali muxu lu Yuruden naakiri ma nu. ⁸ N Marigi, n munse falama kore, Isirayilakae to e gixi e yaxuie ya ra? ⁹ Kanaankae nun yi boxi mixie na yi fe me, e muxu digilinma ne, e muxu xili non yi boxi ma. Na kui, i tan fa munse rabama i xili xungbe xa fe ra?»

¹⁰ Alatala naxa a masen Yosuwe be, «Keli, i i yatagi rafelenxi boxi ma munfe ra yi ki? ¹¹ Isirayila bara yunubi raba. Na kui e bara saate kana n naxan tongo e be. Iyo, e bara se ratonxie tongo a mu lan e xa naxan tongo. E bara a muja, e a noxun e xa kote kui. ¹² Isirayilakae mu noma tide e yaxuie ya ra. E e gima ne e yaxuie ma, barima e fan yete yati bara findi mixi ratonxie ra. N mu luma wo foxo ra, xa wo mu yi se ratonxie kana wo naxee tongoxi. ¹³ Keli, i xa nama raseniye. I xa a fala e be, «Beemanu tina, wo xa wo yete raseniye. Isirayila Marigi Alatala xa masenyi nan ya: «Se ratonxie na wo tagi. Isirayila mu noma tide e yaxuie ya ra, danmi na se ratonxie na wo yi ra.» ¹⁴ Tina geesege wo wo maso wo bonsae ki ma. Alatala na bonsae naxan masen, na xa a maso a xabile ki ma. Alatala na xabile naxan masen, na xa a maso a denbaya ki ma. Alatala na mixi naxan masen denbaya ya ma, na xa a maso. ¹⁵ Na mixi nun na se ratonxie ganma ne te ra, barima a bara Alatala xa saate kana, a bara fe raba Isirayila, a mu lan a xa naxan naba.»

¹⁶ Yosuwe naxa keli subaxe ma, a naxa Isirayila ti a bonsae ki ma. A fe naxa ti Yuda bonsae. ¹⁷ A naxa Yuda xabilee maso, a fe naxa ti Sera xabile. A naxa Sera xabile maso, a denbaya ki ma, a fe naxa ti Sabadi. ¹⁸ A naxa denbaya xunyie maso, a fe naxa ti Akan, Karimi xa di xeme, Sabadi xa di xeme, Sera xa di naxan fatan Yuda bonsae ra.

¹⁹ Yosuwe naxa a fala Akan be, «N ma di, tantui rasiga Alatala ma, Isirayila Marigi Ala. A tantu. I naxan nabaxi, na tagi raba n be a ki ma. I naxa a noxun n ma.» ²⁰ Akan naxa Yosuwe yaabi, «Nondi na a ra. N tan nan yunubi rabaxi Alatala ra, Isirayila Marigi Ala. N naxan nabaxi a tan nan yi ki. ²¹ N Sinari donma nde to ne na see ya ma, naxan xa tofanyi maniye mu na, a nun gbeti kole keme firin, nun xeema, naxan kilo tagi lima. N naxa mila e ma, n fa e tongo. N bara e biri yili kui n ma kiri banxi bun ma. Gbeti saxi xeema nun donma bun ma.»

²² Yosuwe naxa mixie xee e gi ra, e xa Akan xa kiri banxi mato. Na see nu noxunxi yili kui, gbeti saxi e bun ma. ²³ E naxa a birin nate yili kui kiri banxi bun ma, e a xanin Yosuwe xon ma, Isirayila nama tagi. E naxa a ibagan boxi Alatala ya i. ²⁴ Yosuwe naxa Sera xa di Akan suxu. A naxa a xa see birin tongo, na gbeti, na donma tofanyi, na xeema, nun a xa kiri banxi. A man naxa a xa di xeme, a xa di ginsee, a xa ningee, a xa sofalee, nun a xa xurusee, a naxa na birin suxu, a a xanin Akori gulunba kui. Isirayila birin naxa bira a foxo ra.

²⁵ Yosuwe naxa a fala Akan be, «I bara muxu xun mapaaxu, Alatala i fan xun mapaaxuma ne to loxe.» Na masenyi xanbi, Isirayilakae birin naxa e magono geme ra, e e gan. ²⁶ E naxa geme gbege koto a fari. Han to na kotoxi naa. Na kui Alatala bope naxa goro. Na nan a toxi han to, Akori gulunba xili falama na yire xun ma.

Ayi masotae

8 ¹ Alatala naxa a masen Yosuwe be, «Hali i mu gaaxu, i bope naxa mini a i. Geresoe birin tongo, wo keli, wo xa siga Ayi gereade. A kolon, n bara Ayi mange

sa i belexe a nun a xa pama birin na, a xa taa nun a xa bɔxi. ²I Ayi bɔxi nun a mange xa fe rabama ne alɔ i Yeriko bɔxi nun a mange xa fe raba ki naxe, kɔnɔ yi biyaasi e xa se fanyie nun e xa xurusee findima wo harige nan na. I fama taa melende a xanbi xanbi nan ma.»

³Yosuwe nun geresoe birin naxa keli, e naxa te Ayi. Yosuwe naxa sɔɔri geresoe fanyi mixi wulu tongo saxan mayegeti, e birin naxa te kɔɛ ra. ⁴A naxa yi yaamari so e yi ra, «Wo a idɔyin, wo xa taa melen a xanbi xanbi ma. Wo naxa wo makuya taa ra a gbe ra. Wo birin xa wo redi. ⁵N tan nun n ma pama birin, muxu muxu makɔrema ne taa ra mennikae ya ra. E na mini muxu ralande alɔ a singe ra, muxu fama ne muxu gide e ya ra. ⁶Na kui e birama ne muxu fɔxɔ ra a falafe ra, «E na e gife alɔ boore biyaasi.» Na ki muxu fama ne e raminide taa fari ma. ⁷Na temui, wo tan xa mini wo nɔxunde, wo fa taa masɔɔ. Wo Marigi Alatala naa sama ne wo belexe. ⁸Wo na taa suxu, wo te so naa ra, wo naa gan. A tan nan na ki, wo xa Alatala waxɔnfe rakamali, wo xa n ma yaamari rabatu a rabatu ki ma.»

⁹Yosuwe naxa e rasiga fa, e sa taa melen a xanbi xanbi ma. E naxa lu Ayi nun Beteli tagi, Ayi sogegorode. Yosuwe nun pama birin naxa xi yonkinde kui na kɔɛ ra. ¹⁰Na kuye iba, Yosuwe naxa keli, a pama xunmato a ra. A tan nun Isirayila kuntigie naxa te pama ya ra, sigafe ra Ayi. ¹¹E tan nun geresoe birin naxa e makɔre Ayi taa ra, e fa yonkinde yailan a kɔɔla biri ra. Gulunba naxa lu e tan nun Ayi tagi. ¹²Yosuwe nu bara xeme wulu suuli pɔndɔn xɛ taa melende Ayi nun Beteli tagi, Ayi taa sogegorode. ¹³Na kui sɔɔrie xa yonkinde xungbe nu na taa kɔɔla ma, sɔɔri booree nu na taa melenfe sogegorode biri. Yosuwe naxa siga na kɔɛ radangi gulunba kui.

¹⁴Ayi mange to Isirayila sɔɔrie to, a tan nun a xa pama naxa mini e gere de fiili yire Araba ya ra. Kɔnɔ a mu nu a kolon xa Isirayilakae bara a xa taa melen a xanbi xanbi ma. ¹⁵Na temui Yosuwe nun Isirayila pama birin naxa e yete ragi Ayi mixie ya ra gbengberenyi kira xɔn ma. ¹⁶Ayikae naxa bira e fɔxɔ ra keren na. Yosuwe nun a xa sɔɔrie naxa e gi han e ge Ayi pama birin naminide taa fari ma. ¹⁷Xeme keren mu lu Ayi nun Beteli taae kui, e birin naxa bira Isirayilakae fɔxɔ ra, e xa e suxu. E naxa taa lu na ki, a rabixi.

¹⁸Na kui, Alatala naxa a masen Yosuwe be, «I xa tanbe itala Ayi biri ra, naxan suxuxi i yi ra, barima n bara a sa i belexe.» Yosuwe naxa a xun ti taa ra, a xa tanbe suxuxi a yi ra Ayi mabiri. ¹⁹A to na raba, sɔɔri melentie naxa mini mafuren mafuren e nɔxunde kui, e fa so taa kui, e te so na ra keren na.

²⁰Ayikae to e ya ragbilen e xanbi ra, e naxa a to tuuri na tefe koore ma kelifa taa kui. E mu nɔ e gide e xa siga dede. Isirayilaka naxee nu na e gife gbengberenyi kira xɔn Ayi mixie ya ra, nee naxa e mafindi e xili ma. ²¹Yosuwe nun Isirayila pama to na tuuri to te ra, e naxa a kolon a sɔɔri melentie bara ge taa suxude. Na kui e naxa e mafindi, e fa Ayikae bɔnbɔ. ²²Na melentie fan naxa fa kelifa taa kui, e xa Ayikae gere. Na kui Ayikae naxa raxeten, Isirayilakae fa e birin faxa. Mixi yo mu nɔ a gide, mixi yo mu lu a jipe ra, ²³fo Ayi mange, e naxan suxu, e a xanin Yosuwe xɔn.

²⁴Isirayilakae to ge Ayikae faxade naxee bira e fɔxɔ ra gbengberenyi kira xɔn ma, e naxa gbilen taa fan kui, e Ayika dɔnxɔee birin faxa e xa santidegemae ra. ²⁵Ayika naxee birin faxa na lɔxɛ, xemee nun ginɛe, e konti naxa lan mixi wulu fu nun firin ma. ²⁶Yosuwe to a xa tanbe itala Ayi xun ma, a mu a iso fo naakae birin to ge faxade. ²⁷Na kui, Isirayila naxa a wasaso Ayi xuruse nun a harige ra, alɔ Alatala a masen ki naxe Yosuwe be.

²⁸Yosuwe naxa Ayi taa birin kana, a a gan. Han to naa kiroxi. ²⁹Naxan findi Ayi mange tan na, e naxa na gbaku wuri ma han nunmare. Nunmare to so, Yosuwe naxa yaamari fi e xa a fure ragoro wuri kɔn na. E naxa a rabira taa sode de ra, e fa geme gbege malan a fari. Han to na geme malanxi naa.

Serexebade Ebali geya fari

³⁰ Na temui Yosuwe naxa serexebade yailan Isirayila Marigi Alatala be Ebali geya fari, ³¹ alɔ Alatala xa konyi Munsa a fala Isirayilakae be ki naxe. E naxa serexebade geme daaxi ti, wure mu nu din naxan na, alɔ a sebexi Tawureta Munsa kitaabui kui ki naxe. E naxa serexe gan daaxie nun xanunteya serexee ba Alatala be na fari.

³² Menni Yosuwe naxa Ala xa seriye sebe gemee ma Isirayilakae birin ya xɔri, Annabi Munsa naxan sebe e be. ³³ Isirayilakae, e xa kuntigie, e xa sɔɔri manglee, e xa kiitisae, nun xɔɔe naxee nu na e ya ma, e birin naxa siga ti ra Lewi bɔnsɔe serexedubee ya i, naxee nu Alatala xa saate kankira xaninma. Nama seeti keren naxa ti Garisimi geya biri, pama seeti boore naxa ti Ebali geya biri, alɔ Alatala xa konyi Munsa a fala Isirayila pama singe be ki naxe, a duba e be temui naxe. ³⁴ Na xanbi, Yosuwe naxa yi seriye masenyi birin ti, dubee nun dankee, alɔ a sebexi Tawureta Munsa kitaabui kui ki naxe. ³⁵ Annabi Munsa xa masenyi sebexi keren mu lu, Yosuwe mu naxan tagi raba Isirayila pama birin be, hali ginnee, dimee, nun xɔɔe naxee nu na e ya ma.

Gabayonkae xa saate

9 ¹ Yuruden naakiri manglee, Xitikae, Amorikae, Kanaankae, Perisikae, Hiwikae, nun Yebusukae xa mangle, e to yi gere xa fe me, naxan nabaxi Sefela bɔxi geyae fari, Baa Xungbe de ra, Liban geyae seeti ma, ² e naxa e malan, e lanyi xiri e tagi alako e xa Yosuwe nun Isirayila pama gere.

³ Gabayonkae to a me, Yosuwe naxan nabaxi Yeriko nun Ayi ra, ⁴ e naxa yanfanteya maxiri. E naxa siga a xɔn, beki kobie nun weni sase ibɔɔxie dɔɔxi e xa sofalee fari. ⁵ E naxa sankiri fori ɔɔxi madegexie so e sanyi, e donma kobi ɔɔxie ragoro e ma. E naxa taami xuntunyi xaraxie sa e xa kote kui.

⁶ E to Yosuwe li yonkinde kui Giligali, e naxa a fala a tan nun Isirayilakae be, «Muxu sa kelixi bɔxi makuye ne yi ki, alako won xa saate xiri.» ⁷ Isirayilakae naxa a fala e be, «Won nɔma saate xiride di? Xa a sa li wo kelixi yi bɔxi nan ma, a mu lanma saate xa lu won tagi.» ⁸ E naxa Yosuwe yaabi, «I xa konyie nan lanxi muxu ma.» Yosuwe naxa e maxɔrin, «Nde na wo tan na? Wo kelixi menden?» ⁹ E naxa Yosuwe yaabi, «I xa konyie kelixi bɔxi makuye nan ma i Marigi Alatala xili xa fe ra, barima muxu bara a xa fe ifale me, a naxan nabaxi Misira, ¹⁰ a nun a fe naxan birin nabaxi Amorikae xa mangle firinyie ra Yuruden naakiri ma, Xesibɔn mangle Sixɔn, nun Basan mangle Ogo, naxan nu sabatixi Asataroti.»

¹¹ «Muxu xa forie nun bɔxi mixi birin a falaxi ne muxu be, «Wo wo fandɛ tongo wo naxan donma kira xɔn ma. Wo xa siga Isirayilakae ralan, wo xa a fala e be wo xa konyie nan muxu ra.» Yakɔsi, won xa saate tongo won boore be. ¹² Wo bara muxu xa taamie to? Muxu to keli muxu xɔnyi, taami fanyi na nu a ra, kɔɔ xi yakɔsi a birin bara xara. ¹³ Muxu xa weni sase neenee nu rafexi weni fanyi ra, kɔɔ xi yakɔsi na birin bara ɔɔn, weni sasee bara bɔɔ. Wo muxu xa donmae mato, a nun muxu xa sankirie. E birin bara kana yi kira xa makuye be.»

¹⁴ Isirayilakae naxa na birin mato, kɔɔ e mu Alatala maxɔrin xa a findixi nɔndi nan na. ¹⁵ Na kui Yosuwe naxa lanyi xiri e tagi e xa simaya makantafe ra. Marakali naxa lu e tagi.

¹⁶ Xi saxan to dangi na saate xirife ra, Isirayilakae naxa a kolon a e dɔɔɔbooree nan lanxi e ma. ¹⁷ Na lɔɔe Isirayilakae naxa siga, e sa so e xa taee kui, naxan findixi Gabayon, Kefira, Beeroti, nun Kiriyati Yeyarimi. ¹⁸ Isirayilakae mu e faxa saate xa fe ma, bɔxi yareratie naxan tongo Gabayonkae be Isirayila Marigi Alatala xili ra, kɔɔ xi pama birin naxa xurutuxurutu e xa yareratie ma. ¹⁹ Manglee naxa a fala pama be, «Muxu tan nan muxu kalixi e be Isirayila Marigi Alatala xili ra. Won

mu noma won belexe dinde e ra. ²⁰ Yakosi won e xa fe suxuma yi ki ne. Won e luma e si nan na alako won naxa Alatala raxono marakali kanafe ra. ²¹ Won naxa e faxesa, kono won xa e rawali wuri segefe nun ye bafe ra jama birin be.» Na kui Isirayila yareratie xa saate mu kanama.

²² Yosuwe naxa e xili, a woyen e be, «Munfe ra wo muxu yanfaxi, wo a fala muxu be, a wo sabatixi yire makuye ne, a fa sa a li, wo sabatixi muxu seeti nan ma? ²³ Na kui wo bara danke soto, wo bara findi muxu xa konyie ra. Wuri segefe nun ye bafe wali luma wo tan nan xun ma muxu Marigi Ala xa jama be abadan.»

²⁴ E naxa Yosuwe yaabi, «Muxu bara a me, i Marigi Alatala a fala ne a xa konyi Munsa be, a xa yi boxi birin so wo yi ra, a xa bekae sonto wo ya xori. Wo xa fa bara gaaxui gbege lu muxu ma muxu nii xa fe ra. Na nan a toxi muxu bara wo yanfa. ²⁵ Yakosi, muxu na wo sago. Wo xa muxu xa fe raba al wo wama a xon ma ki naxe tinxinyi kui.» ²⁶ Yosuwe naxa na tinxinyi raba, a mu a lu Isirayilakae xa e faxesa. ²⁷ Na laxe a naxa wuri segefe nun ye bafe wali daxe e xun ma Isirayila jama birin be, a nun Alatala xa serexebade be, naxan na Alatala xa yire sugandixi. Han to Gabayonkae na na wali kui.

Gere belebele Gabayon fe ma

10 ¹ Darisalamu mange Adoni Sedeki naxa a me a Yosuwe bara Ayi taa suxu, a bara naa raton, a bara Ayi boxi nun a mange xa fe raba al a Yeriko boxi nun a mange xa fe raba ki naxe. A man bara a me a Gabayon nun Isirayila bara lanyi xiri, a nee sabatixi e tagi. ² E naxa gaaxu na xa fe ra, barima mangataa belebele nan nu na Gabayon na, naxan xungbo Ayi be. E xa soorie nu findixi xeme gbangbalanyie nan na. ³ Darisalamu mange Adoni Sedeki naxa xera xee, a xa sa a fala Xebiron mange Hohami be, Yaramuti mange Pirami be, Lakisi mange Yafiya be, a nun Egilon mange Debiri be, ⁴ «Wo te n yire, wo xa fa kafu n ma alako won xa Gabayon gere, barima e tan nun Yosuwe nun Isirayilakae bara lanyi xiri.» ⁵ Yi Amori mange suulie: Darisalamu mange, Xebiron mange, Yaramuti mange, Lakisi mange, nun Egilon mange naxa te nun e xa soorie ra. E naxa e xa yonkinde yailan Gabayon ya ra, e fa gere ti e be.

⁶ Gabayonkae naxa xera xee Isirayilakae xa yonkinde Giligali, e xa sa a fala Yosuwe be, «I naxa i xa konyie rabejin. I xa te muxu yire mafuren. I xa muxu ratanga Amori mangee ma, naxee sabatixi geya yire, e wama muxu gerefe.»

⁷ Yosuwe nun a xa soori jalamae naxa keli Giligali, e siga Gabayon.

⁸ Alatala naxa a masen Yosuwe be, «I naxa gaaxu e ya ra, barima n bara ge e sade i belexe. Mixi keren mu noma tide i ya ra e ya ma.» ⁹ Na kui Yosuwe nun a xa mixie naxa keli Giligali, e jere ke ra, alako e xa sin Amori xun ma terenna ra. ¹⁰ Alatala naxa Amori xun keri Isirayila ya ra, a fa no e ra senbe ra Gabayon. Isirayilakae naxa bira e foxo ra kira xon naxan tema Beti Xoron, e naxa e bonbo han Aseka nun Makeda. ¹¹ E to nu e gima Isirayilakae ya ra gorofe Beti Xoron kira xon, Alatala naxa balabalanyi xori belebele ragoro e ma keli koore ma, han e sa Aseka li. Na balabalanyi xa mixi faxaxie dangi mixie ra, Isirayilakae naxee faxesa e xa santidegema ra.

¹² Alatala nu Amori xun safe Isirayila belexe temui naxe, Yosuwe nu bara Alatala maxandi Isirayilakae ya xori a xa soge raxara Gabayon xun, a xa kike raxara Ayalon gulunba xun. ¹³ Soge nun kike naxa e raxara, han Isirayila naxa ge e waxonyi rabade e yaxuie ra. Yi fe sebexi Yasari xa buki kui. Soge naxa a raxara koore tagi, soge mu gbata dulade fejen keren kui. ¹⁴ Han to na fe moji mu toxi dunija. Alatala nu bara Yosuwe xa maxandi suxu, a nu na gere sofe Isirayila be.

¹⁵ Na temui Yosuwe nun a xa soorie naxa gbilen e xa yonkinde Giligali.

¹⁶ Na mange suulie e gi ne, e sa e nɔxun Makeda fɔnmɛ ra. ¹⁷ Mixi nde naxa a fala Yosuwe be, «Na mange suulie na e nɔxunfe Makeda fɔnmɛ kui.» ¹⁸ Yosuwe naxa yaamari fi, «Wo gɛmɛ belebelee mayindigilin na fɔnmɛ dɛ ma, wo sɔɔri ndee ti naa. ¹⁹ Wo tan dɔnxɔɛ, wo naxa dugundi, wo xa bira wo yaxuie fɔxɔ ra, wo fa kira bolon e ya ra, alako e naxa nɔ e xɔnyi masɔtɔde, barima wo Marigi Alatala bara e sa wo belexɛ.»

²⁰ Na kui Yosuwe nun a xa sɔɔrieɛ naxa nɔ Amorikae ra, fo mixi keren kerenyi naxee e gi, e sa e xa taa makantaxie masɔtɔ. ²¹ Isirayila xa sɔɔrie birin naxa gbilen bɔɲɛsa kui Yosuwe yire Makeda yonkinde kui. Mixi yo mu nɔ e ra.

²² Na tɛmɛi Yosuwe naxa a fala, «Wo yi gɛmɛɛ ba fɔnmɛ dɛ ma, wo xa yi mange suulie ramini.» ²³ E naxa na mixi suuli ramini: Darisalamu mange, Xebiron mange, Yaramuti mange, Lakisi mange, nun Egilon mange. ²⁴ E to yi mangɛɛ ramini Yosuwe ma, Yosuwe naxa Isirayila sɔɔrie birin xili, a a fala e xa yarɛratie be, «Wo wo maso, wo xa wo sanyi ti yi mangɛɛ kɔnyie ma.» E naxa e maso, e e sanyi ti e kɔnyie ma. ²⁵ Yosuwe naxa a fala e be, «Wo naxa gaaxu, wo bɔɲɛ naxa mini a i. Wo wo senbe so, wo man xa limaniya, barima Alatala wo yaxuie birin ma fe rabama yi ki ne, wo nun naxee nɛ gerema.»

²⁶ Na birin to dangi, Yosuwe naxa e faxesa, a fa e gbaku wuri suuli kɔn na han nunmare. ²⁷ Soge dula tɛmɛi, Yosuwe naxa yaamari fi e xa e ragoro wuri kɔn na, e xa e raso fɔnmɛ kui, e nu nɔxunxi dennaxɛ. E naxa gɛmɛ belebelee dɔxɔ na dɛ ma. Han to naa na na ki.

²⁸ Na lɔxɛ Yosuwe naxa Makeda fan suxu, a mɛnnikae nun e xa mangɛ sɔntɔ santidegema ra. A mu mixi keren lu. A naxa Makeda mange xa fe raba alɔ a Yeriko mange xa fe raba ki naxɛ.

²⁹ Yosuwe nun Isirayila xa sɔɔrie naxa keli Makeda, e siga Libina gerede.

³⁰ Alatala naxa naakae nun e xa mange sa e belexɛ. E naxa na mixi birin sɔntɔ e xa santidegema ra, e mu mixi keren lu. E naxa Libina mange xa fe raba alɔ e Yeriko mange xa fe raba ki naxɛ.

³¹ Yosuwe nun Isirayila xa sɔɔrie naxa keli Libina, e siga Lakisi gerede. ³² Na kuye iba, Alatala naxa Lakisi sa e belexɛ. E naxa na mixi birin faxesa santidegema ra, alɔ e Libina xa fe raba ki naxɛ. ³³ Geseri mangɛ Horami naxa te kafude Lakisi ma, kɔxɔ Yosuwe naxa a tan nun a xa sɔɔrie birin faxesa, a mu mixi keren lu.

³⁴ Yosuwe nun Isirayila xa sɔɔrie naxa keli Lakisi, e siga Egilon gerede. ³⁵ Na lɔxɛ e naxa mɛnnikae birin sɔntɔ, alɔ e Lakisi xa fe raba ki naxɛ.

³⁶ Yosuwe nun Isirayila xa sɔɔrie naxa keli Egilon, e siga Xebiron gerede. ³⁷ E naxa mɛnnikae birin, e xa mange, nun e dɔxɔbooree sɔntɔ, e mu mixi keren lu. E naxa e xa fe raba alɔ e Egilon xa fe raba ki naxɛ, e mɛnnikae birin faxesa.

³⁸ Na tɛmɛi Yosuwe nun Isirayila xa sɔɔrie naxa e mafindi Debiri taa xili ma, e xa e gere. ³⁹ E naxa mɛnnikae birin, e xa mange, nun e dɔxɔbooree sɔntɔ, e mu mixi keren lu. E naxa e xa fe raba alɔ e Libina, a mange, nun Xebiron xa fe raba ki naxɛ.

⁴⁰ Yosuwe naxa nɔ na bɔxi birin na, geya yire, Negewi gbengberenyi, Sefela bɔxi, nun a mangɛɛ. A naxa na mixi birin sɔntɔ alɔ Isirayila Marigi Alatala a yamari ki naxɛ. ⁴¹ Yosuwe naxa e gere keli Kadesi Barineya han Gasa, Gosen bɔxi birin, sa dɔxɔ Gabayon na. ⁴² Yosuwe naxa nɔ na taaɛ nun e mangɛɛ ra tɛmɛi kerenyi ra, barima Isirayila Marigi Alatala nan nu gere soma Isirayila be. ⁴³ Na tɛmɛi Yosuwe nun Isirayila xa sɔɔrie birin naxa gbilen e xa yonkinde Giligali.

Gere xungbe Meromi xure fe ma

11 ¹ Xasori mange Yabini to yi fee mɛ, a naxa xɛɛraɛ xɛɛ yi mixie xɔn ma: Madon mange Yobabo, Simiron mange, Akisafa mange, ² mange naxee nu sabatixi geyae fari kɔɔla ma, naxee nu sabatixi Yuruden gulunba kui, naxee nu

sabatixi Kinereti Baa yirefanyi ma, naxee nu sabatixi Sefela bɔxi ma, naxee nu Dɔɔ rabilinyi ma sogegorode, ³Kanaankae naxee nu na sogetede nun sogegorode, Amorikae, Xitikae, Perisikae, Yebusukae naxee nu na geyae fari, a nun Hiwikae naxee nu na Xerimon geya bunyi Misipa bɔxi ma. ⁴Na mangɛe naxa e xa sɔɔrie birin malan, naxee wuya alɔ meyeniyi baa de ra. Soe gbegbe nun sɔɔri ragise gbegbe fan nu na e yi. ⁵Yi mangɛe naxa lan fe keren ma, e naxa sa e xa yonkinde ti Meromi xure fe ma Isirayilakae gerefe ma.

⁶Alatala naxa a masen Yosuwe be, «Hali i mu gaaxu e ya ra, barima tina yi temui ma, n tan e birin sama ne i belexe, i e faxa Isirayilakae ya xɔri. I fama ne e xa soe san fasee bolonde, i fama ne e xa sɔɔri ragisee gande.»

⁷Yosuwe nun a xa geresoe naxa sin e ma Meromi xure fe ma. ⁸Alatala naxa e sa Isirayila belexe. E naxa e bɔnbɔ, e e keri han Sidɔn taa xungbe kui, han Misirefoti Mayimi, han Misipa gulunba ra sogetede biri. E naxa e bɔnbɔ, e mu mixi keren lu. ⁹Yosuwe naxa e xa fe raba alɔ Alatala a masen a be ki naxe. A naxa e xa soe san fasee bolon, a e xa sɔɔri ragisee fan gan.

¹⁰A gbilen gbilen ma, Yosuwe naxa Xasori bɔxi fan suxu, a naxa a mangɛ faxa santidegema ra, barima a tan nan nu na mangataa ra na bɔxi birin xun. ¹¹Yosuwe xa sɔɔrie naxa e sɔntɔ santidegema ra, e mu mixi keren lu a si ra. Na dangi xanbi e naxa Xasori taa gan.

¹²Yosuwe naxa na taee birin suxu, a mennikae nun e mangɛe faxa santidegema ra, a menni ratɔn alɔ Alatala xa konyi Munsaa a fala a be ki naxe. ¹³Kɔnɔ Isirayila xa sɔɔrie mu taee gan naxee nu na geyae fari, fo Xasori keren Yosuwe dennaxe gan. ¹⁴Isirayila naxa a wasaso yi taee harige nun e xa xurusee ra, kɔnɔ e naxa mixie tan birin faxa santidegema ra. E mu mixi keren lu a pipɛ ra. ¹⁵Alatala naxan yamari a xa konyi Munsaa be, Annabi Munsaa fan naxa na yamari Yosuwe be. Yosuwe naxa na birin naba alɔ Alatala a masen Annabi Munsaa be ki naxe.

¹⁶Yosuwe naxa na bɔxi birin masɔtɔ: geya yire, Negewi gbengberenyi, Gosen bɔxi, Sefela bɔxi, nun Yuruden gulunba, kelifɛ Isirayila geyae ma han baa de ra. ¹⁷Keli geya Mageli itexi ra Seyiri biri ra, han Bali Gadi, Liban gulunba kui, Xerimon geya bunyi, a naxa naa mangɛe birin suxu, a e sɔntɔ. ¹⁸Yosuwe nun yi mangɛe naxa gere xɔnkuye raba. ¹⁹Taa yo mu nu na naxan tin Isirayila xa lanbooreja ra, fo Gabayon keren Hiwikae nu sabatixi dennaxe. Isirayilakae naxa na dɔnxɔee birin gere. ²⁰Alatala nan Kanaankae xaxilie raxɔɔɔ, alako Isirayila mixie xa e gere, e xa e ratɔn, e naxa kinikini e ma fefe ma, alɔ Alatala a masen Annabi Munsaa be ki naxe.

²¹Na waxati kerenyi kui, Yosuwe naxa Anaki bɔnsɔe fan gere, a e sɔntɔ Xebiron, Debiri, Anaba, nun geya yire naxee nu na Yudaya nun Isirayila bɔxi ma. Yosuwe naxa e birin halaki, a e xa taee kana. ²²Na dangi xanbi Anaki bɔnsɔe keren mu lu Isirayila bɔxi ma. Naxee mu faxa, nee naxa sabati Gasa, Gati, nun Asidodi taee kui. ²³Na kui, Yosuwe naxa na bɔxi birin masɔtɔ alɔ Alatala a masen Annabi Munsaa be ki naxe. A naxa a itaxun Isirayila bɔnsɔe ma e ke ra. Na temui, bɔxi naxa xinbeli, gere yo mu so fa.

Mangɛe nɔfe

12 ¹Mangɛe nan ya Isirayilakae nɔ naxee ra, e e xa taee tongo Yuruden sogetede biri ra, fɔlɔfe Arinon xure ma, a sa dɔxɔ Xerimon geya ra, han a sa Yuruden gulunba birin li sogetede biri:

²Amori mange Sixɔn, naxan nu sabatixi Xesibɔn, a xa mangɛya nu fɔlɔma Aroweri, naxan tixi Arinon xure de ra, han a sa dɔxɔ Yaboko xure ra, Amoni naaninyi. Yi birin nu findixi Galadi bɔxi sɛti keren nan na. ³A man naxa Yuruden gulunba sogetede fan yaamari, kelifɛ Kinereti Baa han Fɔxɔe Baa Yuruden gulunba

ra, Beti Yesimoti taa na dennaxe. A xa bɔxi nu sigaxi itala ra yirefanyi biri ra han Pisiga geya ra.

⁴ Basan mange Ogo, Refa bɔnsɔɛ mixi dɔnxɔɛ nde, naxan nu dɔxɔxi Asataroti nun Edereyi taee. ⁵ A xa mangeya nu fɔlɔma Xerimon geya nan ma, a siga Salaka, han a sa Basan bɔxi birin li. A xa mangeya naaninyi nu na Gesurikae nun Maakakae xa bɔxi nan fe ma. Yi birin nu findixi Galadi sɛti boore nan fan na, han Xesibɔn mange Sixɔn xa mangeya fɔlɔde.

⁶ Annabi Munsa, Alatala xa konyi nun Isirayilakae naxa nɔ na mangɛ birin na. Alatala xa konyi Annabi Munsa naxa e xa jamane so Ruben bɔnsɔɛ, Gadi bɔnsɔɛ, nun Manasi bɔnsɔɛ sɛti keren yi ra, mɛnni xa findi nee gbe ra.

⁷ Mangɛyae nan ya Yosuwe nun Isirayilakae naxee masɔtɔ Yuruden kiri ma sogeorode, fɔlɔfe Bali Gadi ma Liban gulunba, han Xalaka geya Seyiri biri ra. Yosuwe naxa yi bɔxi birin itaxun Isirayila bɔnsɔɛ ma, kankan xa a gbe ke sɔtɔ.

⁸ E bɔxi naxee sɔtɔ na birin nalanxi na, Isirayila geyae, Sefela bɔxi, Yuruden gulunba, gbengberen yire, nun Negewi gbengberenyi nan na. Xitikae, Amorikae, Kanaankae, Perisikae, Hiwikae, nun Yebusukae nan nu sabatixi mɛnni.

⁹ Mangɛ nan ya e nɔxi naxee ra:

Yeriko mange, Ayi mange naxan nu na Beteli fe ma,

¹⁰ Darisalamu mange, Xebiron mange,

¹¹ Yaramuti mange, Lakisi mange,

¹² Egilon mange, Geseri mange,

¹³ Debiri mange, Gederi mange,

¹⁴ Horoma mange, Aradi mange,

¹⁵ Libina mange, Adulama mange,

¹⁶ Makeda mange, Beteli mange,

¹⁷ Tapuwa mange, Xeferi mange,

¹⁸ Afeki mange, Lasarɔn mange,

¹⁹ Madon mange, Xasori mange,

²⁰ Simiron Meron mange, Akisafa mange,

²¹ Taanaki mange, Megido mange,

²² Kedesi mange, Yokanayimi mange naxan nu na Karemele biri,

²³ Dɔɔɔ mange, naxan nu na Dɔɔɔ bɔxi ma,

Goyimi mange naxan nu na Giligali bɔxi ma,

²⁴ nun Tirisa mange.

Na birin nalanxi, mange tongo saxan a nun keren.

Bɔxi masɔtɔtaree

13 ¹ Yosuwe to ge foride, Alatala naxa a masen a be, «I bara fori kɔnɔ jamane gbegbe man na wo lan wo xa naxee sɔtɔ. ² Filisitakae nun Gesurikae xa bɔxi luxi sinden. ³ Bɔxi naxan fɔlɔma Sixori xure ma Misira ya tagi, han a sa Ekiron li, naxan na kɔɔla ma, na birin Kanaankae nan gbe nu a ra, kɔnɔ na waxati Awikae nu naa suxuxi e yi, e nun Filisita mangedi suulie, naxee nu na Gasa, Asidodi, Asikalɔn, Gati, nun Ekiron. ⁴ Kanaankae xa bɔxi fan luxi, fɔlɔfe Meyara taa ma Sidɔnkae na dennaxe, han a sa Afeki li. Amorikae xa bɔxi fan luxi.»

⁵ «Gabalakae nun Libankae xa bɔxi fan luxi, fɔlɔfe Bali Gadi ma Xerimon geya bunyi, han a sa Xamata li. ⁶ Sidɔnka naxee birin na geyae fari, fɔlɔfe Liban geyae ma, han a sa Misirefoti Mayimi li, n fama e keride Isirayilakae ya xɔri. I xa na birin fi Isirayila ma ke ra, alɔ n a masenxi ki naxe. ⁷ I xa yi bɔxi itaxun Isirayila bɔnsɔɛ solomanaani ma, a nun Manasi bɔnsɔɛ sɛti boore ma.»

Manasi, Ruben, nun Gadi bɔnsɛ xa bɔxi

⁸ Manasi bɔnsɛ seeti singe, Ruben bɔnsɛ, nun Gadi bɔnsɛ nu bara e gbe ke sɔto Yuruden kiri ma sogetede biri ra, Ala xa konyi Munsa saabui ra. ⁹ E xa bɔxi sa fɔlɔxi kafi Aroweri, taa naxan na Arinon xure fe ma, a geya bunyi taa li, a Medeba fiili li, han a sa Dibon li, ¹⁰ a sa Amori mange Sixɔn Xesibɔnka xa taae birin li han Amonikae xa naaninyi ra. ¹¹ E man naxa Galadi sɔto, Gesurikae nun Maakakae xa bɔxi, Xerimon geya, nun Basan bɔxi han a sa Salaka li. ¹² Basan mange Ogo fan xa bɔxi, naxan nu dɔxɔxi Asataroti nun Edereyi taae, naxan findi Refa bɔnsɛ mixi dɔnxɔe ra, na fan gbe birin naxa findi Isirayilakae gbe ra. Annabi Munsa naxa nɔ yi pamane birin na, a naxa e xa bɔxi birin tongo. ¹³ Kɔnɔ Isirayilakae mu Gesurikae nun Maakakae kerɩ. Han to e sabatixi Isirayilakae ya ma.

Lewi bɔnsɛ ke

¹⁴ Annabi Munsa mu bɔxi yo fi Lewi bɔnsɛ tan ma, barima serexe gan daaxi naxee bama Isirayila Marigi Alatala be, e nee nan findixi e tan gbe ke ra alɔ Ala a masen ki naxe.

Ruben bɔnsɛ xa bɔxi

¹⁵ Annabi Munsa nu bara bɔxi fi Ruben bɔnsɛ ma, e xabile ki ma. ¹⁶ E xa bɔxi naxa fɔlɔ Aroweri Arinon xure de ra, a taa li naxan na geya bunyi, han a sa Medeba rabilinyi li, ¹⁷ a Xesibɔn li, nun taa naxee birin na naa rabilinyi. Na taae xili: Dibon, Bamoti Bali, Beti Bali Meyoni, ¹⁸ Yahasi, Kedemoti, Mefaati, ¹⁹ Kiriayatayimi, Sibima, Sereti Saxari naxan na geya fari, ²⁰ Beti Peyori, Pisiga geya fari, Beti Yesimoti, ²¹ taa naxee birin na fiili ma nun Amori mange Sixɔn, naxan nu dɔxɔxi Xesibɔn, na xa bɔxi birin. Annabi Munsa nu bara mange Sixɔn faxa, a nun Madiyan mangedie Efi, Rekemi, Suru, Xuru, nun Reba. E nu sabatixi bɔxi kui Sixɔn xa mangeya bun ma. ²² Isirayilakae naxa Beyori xa di xeme Balami fan faxa santidegema ra, naxan nu duureya rabama. ²³ Yuruden xure findixi Ruben bɔnsɛ xa naaninyi nan na sogekorode biri ra. Na taae nun e xa bɔxie findixi Ruben bɔnsɛ gbe nan na.

Gadi bɔnsɛ xa bɔxi

²⁴ Annabi Munsa naxa yi bɔxi fi Gadi bɔnsɛ ma e xabile ki ma: ²⁵ Yaaseri bɔxi, Galadi bɔxi taae birin, nun Amoni bɔxi seeti keren, han a sa Aroweri li, Raba ya tagi, ²⁶ kafi Xesibɔn han a sa Ramati Misipa nun Betonimi li, kafi Maxanayimi han a sa Debiri bɔxi li, ²⁷ a sa Beti Harama, Beti Nimira, Sukoti, nun Sefon li, taa naxee nu na Yuruden xure fe ma, a sa Xesibɔn mange Sixɔn xa bɔxi birin li, nun Yuruden rabilinyi sogetede biri han a sa dɔxɔ Kinereti Baa ra. ²⁸ Yi birin naxa findi Gadi bɔnsɛ ke ra e xabile ki ma, kankan nun a xa taa, nun a daaxa.

Manasi bɔnsɛ seeti singe xa bɔxi

²⁹ Annabi Munsa naxa yi bɔxi fi Manasi bɔnsɛ seeti singe ma, Manasi xa die seeti keren ma: ³⁰ Basan bɔxi birin, naxan nu Basan mange Ogo xa mangeya bun ma, fɔlɔfe Maxanayimi, han a sa Yayiri li. Na findi taa tongo senni nan na. ³¹ E man naxa Galadi bɔxi seeti keren sɔto, e naxa Asataroti nun Edereyi taae sɔto, naxee nu findixi Basan mange Ogo gbe ra. Manasi xa di Makiri naxa yi birin sɔto a xa die seeti keren be e xabile ki ma.

³² Annabi Munsa naxa yi ke fi Isirayilakae ma a nu na Mowaba fiili ma temui naxe, Yuruden kiri ma Yeriko sogetede biri. ³³ Kɔnɔ Annabi Munsa mu bɔxi yo fi

Lewi bɔnsɛ tan ma. Isirayila Marigi Alatala nan nu na a ke ra alɔ Ala a masen ki naxe.

Isirayila bɔnsɛ solomanaani xa bɔxi

14 ¹Nunu xa di Yosuwe, sɛrɛxɛdubɛ Eleyasari, nun xabile kuntigie Kanaan bɔxi itaxun Isirayilakae ma ke ra yi ki nɛ. ²Bɔxi naxa itaxun Isirayila bɔnsɛ solomanaani nun a tagi ma Ala xa mali saabui ra, alɔ Alatala a masen Annabi Munsa bɛ ki naxe. ³Bɔxi naxan na Yuruden xure kiri ma sogetede biri, Annabi Munsa naxa na fi bɔnsɛ firin nun a tagi ma, kɔnɔ a mu bɔxi yo fi Lewi bɔnsɛ tan ma. ⁴Annabi Yusufu bɔnsɛ nu bara itaxun firin na, Manasi nun Efirami. Annabi Munsa mu bɔxi yo fi Lewi bɔnsɛ ma naxan findixi e gbe yati ra, fo taaɛ, e sabatima dennaxe nun filie e xuruseɛ demadonna dennaxe. ⁵Isirayilakae naxa na bɔxi itaxun e boore tagi alɔ Alatala a masenxi ki naxe Annabi Munsa bɛ.

Kalebi Xebiron sɔɕɕɛ

⁶Yuda bɔnsɛ ndee nun Kenisi xa di Kalebi naxa siga Yosuwe xɔn. Kalebi naxa a fala a bɛ, «I a kolon Alatala naxan fala Annabi Munsa bɛ won firin xa fe ra Kadesi Barineya. ⁷N jɛ tongo naani nan nu a ra, Alatala xa konyi Annabi Munsa n xɛɛxi temui naxe kelife Kadesi Barineya sigafe ra Kanaan bɔxi ma menni rabende. N to gɛ na ra, n naxa dentege fanyi sa a bɛ. ⁸N nan ngaxakerenyi naxee n mati naa, nee naxa limaniya ba jama yi ra, kɔnɔ n tan bira n Marigi Alatala nan tun fɔxɔ ra. ⁹Na kui Annabi Munsa naxa laayidi tongo n bɛ yi ki, «I i jɛrɛxi bɔxi naxan ma, na findima nɛ i tan nun i xa die ke ra temui birin, barima i bara bira n Marigi Alatala xui fɔxɔ ra a ki ma.»

¹⁰«Jɛ tongo naani nun suuli bara dangi kabi Alatala naxa na masen Annabi Munsa bɛ, won nu na gbɛngberenyi ma temui naxe. Alatala bara n ma simaya rasiga han jɛ tongo solomasaxan a nun suuli. ¹¹To, n senbɛ man luxi alɔ Annabi Munsa n xɛɛxi temui naxe. N nɔma gere sode yi waxati alɔ n na raba ki naxe a singe ra. ¹²Awa, i xa yi geya bɔxi fi n ma alɔ Alatala laayidi tongo n bɛ ki naxe na lɔxɔɛ. Na lɔxɔɛ i nu a kolon Anaki bɔnsɛ na menni, e xa taa xungbe makantaxi a fanyi ra. Alatala gbansan xa lu n sɛɛti ma. Na kui n nɔma e keride alɔ Alatala a masen ki naxe.»

¹³Yosuwe naxa duba Yefune xa di Kalebi bɛ, a Xebiron xa fi a ma ke ra. ¹⁴Na taa na a xa die belexe han to, barima Yefune Kenisika xa di Kalebi bira Isirayila Marigi Alatala nan fɔxɔ ra. ¹⁵Kabi na temui bɔpɛsa naxa lu na bɔxi ma, gere yo mu nu na sɔnɔn. Singe Xebiron xili nu falama nɛ Kiriyati Araba, barima Araba nan nu findixi Anaki mixie xa kuntigi ra.

Yuda bɔnsɛ xa bɔxi

15 ¹Bɔxi naxan fixi Yuda bɔnsɛ ma e xabile ki ma Alatala xa maragiri saabui ra, sa fɔlɔxi Edon naaninyi nan na, a sa dɔxɔ Sini gbɛngberenyi ra yirefanyi ma. ²Na naaninyi fɔlɔxi Fɔxɔɛ Baa dɛ yirefanyi nan ma naxan na Negewi gbɛngberenyi ma, ³a siga Tali geya yirefanyi ma Sini biri ra, a te Kadesi Barineya yirefanyi ma han a sa dangi Xesiron na, a man te Adari, a siga han Karaka. ⁴Na xanbi a Asimon li, a siga Misira xure han baa dɛ ra. Yudayakae xa naaninyi nan na ki yirefanyi biri ra.

⁵Yudaya naaninyi sogetede biri findixi Fɔxɔɛ Baa dɛ nan na, han Yuruden xure sinma baa xun dennaxe.

A naaninyi kɔɔla biri fɔlɔma Yuruden xure sinma baa xun dennaxe, ⁶a te Beti Xogala biri ra, a siga Beti Araba, han Ruben xa di Bohan xa gɛmɛ yire ra. ⁷Na naaninyi texi han Debiri, a dangi Akori gulunba kui ra, a siga kɔɔla ma han

Giligali, naxan na Adumimi geya ya ra, xure yirefanyi ma. Na naaninyi sigaxi han En Semesi dulonyi ra, a mini En Rogeli ra. ⁸A keli menni, a goro Hinoma xa gulunba kui, Yebusukae xa taa yirefanyi ma. Na taa findixi Darisalamu nan na. A siga han geya fari ma Hinoma xa gulunba ya ra sogetede biri nun Refa bõnsõe xa gulunba rapõnyi ra kãõla biri ra. ⁹Kelifa na geya fari ma, naaninyi sigama han Nefetowa dulonyi ra. Na xanbi a taa ndee li naxee na Eferon geya fari, a siga Baala, dennaxe xili Kiriyati Yeyarimi. ¹⁰A Keli menni a siga sogegoro biri han a Seyiri geya li, a siga Yeyarimi geya seeti ma, dennaxe xili Kesalõn. A man siga Beti Semesi, han a Timina li. ¹¹Na naaninyi sigaxi Ekiron nun Sikirõn taee seeti ma, han a Baala geya li, a siga Yabaneeli. Na dangi xanbi a sa baa li.

¹²Baa Xungbe de ra findi na naaninyi nan na sogegoro biri ra. Yudayakae xa naaninye nan na ki. E xabilẽe birin na menni ne.

Kalebi xa bõxi

¹³Yosuwe naxa Yudayakae xa bõxi nde yi Yefune xa di Kalebi ma, alõ Alatala a yamari ki naxe. A xa taa singe findi Kiriyati Araba nan na, naxan xili Xebiron. Mixi naxan nu xili Araba, na nan lanxi Anaki bõnsõe benba ma. ¹⁴Kalebi naxa Anaki xa di xeme saxanyie keri. Nee nu xili ne Sesayi, Aximan, nun Talama. ¹⁵Na xanbi e naxa te Debiri xili ma, dennaxe nu xili Kiriyati Sifa. ¹⁶Kalebi naxa a fala, «Mixi yo naxan na nã Sifa taa ra, n nan n ma di gine Akasa fima ne a ma.» ¹⁷Kalebi xunya Kenasi xa di xeme Otiniyeli naxa nã Sifa taa ra. Kalebi naxa a xa di gine Akasa fi a ma.

¹⁸Akasa to siga Otiniyeli xõn, a naxa a fala a be a xa bõxi gbete maxõrin a baba ma. Akasa to goro a xa sofale fari, Kalebi naxa a maxõrin, «I wama munse xõn?»

¹⁹A naxa a yaabi, «N wama naxan xõn, i bara bõxi fi n ma naxan na yirefanyi biri ra. Yakõsi i man xa ye yire fan fi n ma.» Awa, a baba naxa geya yire fi a ma. Ye nu na na geya fari, a man nu na geya bunyi.

Yuda bõnsõe xa bõxi

²⁰Yuda xa die ke nan yi ki, e xabilẽ ki ma: ²¹Taa naxee nu na yirefanyi ma, Negewi gbengberenyi ma, Edon naaninyi fe ma, e xili Kabaseeli, Ederi, Yaguru, ²²Kina, Dimona, Adada, ²³Kedesi, Xasori, Yitinan, ²⁴Sifi, Telemi, Beyaloti, ²⁵Xasori Xadata, Keriyoti Xesiron, naxan findixi Xasori ra, ²⁶Amama, Sema, Molada, ²⁷Xasari Gada, Xesimon, Beti Peleti, ²⁸Xasari Suwali, Beriseeba, Bisiyoteya ²⁹Baala, Iyimi, Esemi, ³⁰Elitoladi, Kesili, Horoma, ³¹Sikilaga, Madamanna, Sansanna, ³²Lebayoti, Siliximi, Ayin, e nun Rimõn. E birin nalanxi taa maxõrõnen nun solomanaani, nun e daaxae.

³³Taa naxee nu na Sefela bõxi, e xili Esetayoli, Soraha, Asena, ³⁴Sanowa, En Ganimi, Tapuwa, Enama, ³⁵Yaramuti, Adulama, Soko, Aseka, ³⁶Saarayimi, Aditayimi, Gedera, e nun Gederotayimi. E birin nalanxi taa fu nun naani, nun e daaxae.

³⁷Senan, Xadasa, Migidali Gadi, ³⁸Dilana, Misipa, Yokatili, ³⁹Lakisi, Bõsikati, Egilon, ⁴⁰Kabõn, Laxamasi, Kitilisi, ⁴¹Gederoti, Beti Dagõn, Nama, e nun Makeda. E birin nalanxi taa fu nun senni, nun e daaxae.

⁴²Libina, Eteri, Asan, ⁴³Yifita, Asena, Nesibi, ⁴⁴Keyila, Akisibu, nun Maresa. E birin nalanxi taa solomanaani, nun e daaxae.

⁴⁵Ekiron nun a daaxae, ⁴⁶taa naxee na Ekiron nun Asidodi tagi sogegoro, ⁴⁷Asidodi nun a daaxae, Gasa nun a daaxae, han Misira xure nun Baa Xungbe naralande.

⁴⁸Taa naxee nu na geya yire, e xili Samiri, Yatiri, Soko, ⁴⁹Danna, Kiriyaati Sanna naxan findi Debiri ra, ⁵⁰Anaba, Esitemowa, Enama, ⁵¹Gosen, Xolon, Giloka. E birin nalanxi taa fu nun keren, nun e daaxae.

⁵²Arabi, Duma, Eseyan, ⁵³Yanimi, Beti Tapuwa, Afeka, ⁵⁴Xumeta, Kiriyaati Araba naxan findi Xebiron na, e nun Siyoro. E birin nalanxi taa solomanaani, nun e daaxae.

⁵⁵Mayon, Karemele, Sifi, Yuta, ⁵⁶Yisireeli, Yokodeyan, Sanowa, ⁵⁷Kayin, Gibiya, nun Timina. E birin nalanxi taa fu, nun e daaxae.

⁵⁸Xalixuli, Beti Suru, Gedori, ⁵⁹Maarati, Beti Anoti, nun Elitekon. E birin nalanxi taa senni, nun e daaxae.

⁶⁰Kiriyaati Bali naxan findi Kiriyaati Yeyarimi, nun Raba. E birin nalanxi taa firin, nun e daaxae.

⁶¹Taa naxee nu na gbengberen yire, e xili Beti Araba, Midin, Sekaka, ⁶²Nibisan, Fɔɔɔ taa, e nun En Gedi. E birin nalanxi taa senni, nun e daaxae.

⁶³Yuda bɔnsɔɔ mu nɔ Yebusukae keride, naxee dɔxɔxi Darisalamu taa kui. Han to e na Yudayakae ya ma.

Efirami nun Manasi bɔnsɔɔ xa bɔxi

16 ¹Bɔxi naxan fi Yusufu xa die ma Alatala xa maragiri saabui ra, a fɔlɔ Yuruden xure nan ma Yeriko sogetede biri, Yeriko dulonyi na dennaxe. Na naaninyi dangi Yeriko taa nan na, a siga wula i, han a Beteli geya li. ²A keli naa, a siga Lusi han Ataroti taa, Arakakae na dennaxe. ³Na xanbi a siga sogekorode biri Yefeletikae yire han Beti Xoron Labe, han Geseri, han Fɔɔɔ Ye Baa de ra. ⁴Yusufu xa die Manasi nun Efirami na nan sɔtɔ ke ra.

⁵Efirami xa bɔxi nan ya e xabile ki ma: Naaninyi naxan na fuge ra, a fɔlɔ Ataroti Adari ne han Beti Xoron Fuge, ⁶han a baa de li. A keli Mikimetati kɔɔla ma, a dangi Taanati Silo fuge ra, a siga Yanowa. ⁷A goro han Ataroti nun Naarata. A man dangi Yeriko ra, a sa mini Yuruden xure ma. ⁸A keli Tapuwa, a siga sogekorode biri han Kanna xure, han baa de ra. Efirami bɔnsɔɔ ke nan na ki e xabile ki ma. ⁹Efirami bɔnsɔɔ naxa taa nun daaxa ndee fan sɔtɔ Manasi bɔnsɔɔ xa bɔxi kui. ¹⁰Efirami bɔnsɔɔ mu Kanaankae kerri Geseri. Han to nee na Efiramikae ya ma, kɔnɔ e findixi konyie nan na.

Manasi bɔnsɔɔ xa bɔxi

17 ¹Yusufu xa di singe Manasi naxa a gbe ke sɔtɔ Alatala xa maragiri saabui ra. Manasi xa di singe Makiri, naxa findi Galadikae benba ra. A naxa Galadi nun Basan bɔxi sɔtɔ barima geresoe nan nu a ra. ²Manasi xa mamadie birin naxa e gbe ke sɔtɔ e xabile ki ma. E xilie nan ya: Abiyeseri, Xeleki, Asireli, Sikemi, Xeferi, nun Semida. Yusufu xa di Manasi xa die nan na ki, nun e xabilee.

³Selofexadi, Xeferi xa di, Galadi xa di, Makiri xa di, Manasi xa di mu di xeme yo bari, fo di gine suuli. E xilie nan ya: Maxala, Nuha, Xogala, Milika, a nun Tirisa.

⁴E naxa siga serexedube Eleyasari, Nunu xa di Yosuwe, nun Isirayila kuntigie xɔn ma, e a fala e be, «Alatala a masen ne Annabi Munsa be a xa muxu gbe ke fi muxu ma alɔ muxu benba barenjie na a sɔtɔɔ ki naxe.» Awa Yosuwe naxa e gbe ke fi e ma alɔ a a raba e baba xunya xememae be ki naxe. ⁵Manasi bɔnsɔɔ naxa dɔxɔ fu sɔtɔ, bafe Galadi nun Basan na, naxan na Yuruden kiri ma. ⁶Manasi xa di ginɛe naxa ke sɔtɔ alɔ a xa di xemee. Galadi bɔxi naxa lu Manasi xa di gbete be.

⁷Manasi xa bɔxi naxa fɔlɔ Aseri bɔxi naaninyi ra han Mikimetati taa, naxan na Sikemi sogetede biri ra. A man sigaxi han Yamin naxan na En Tapuwa fe ma. ⁸En Tapuwa xa bɔxi nu findixi Manasikae gbe nan na, kɔnɔ Tapuwa taa naxan nu na naaninyi ra, na tan nu findixi Efirami nan gbe ra. ⁹Na naaninyi nu goroxi han

Kanna xure de ra. Manasi xa bɔxi naaninyi findi Kanna xure nan na yirefanyi ma han baa de ra, kɔnɔ Efirami xa taa ndee nu na Manasi xa taae ya ma. ¹⁰Efirami xa bɔxi nu Kanna xure yirefanyi nan ma. Manasi gbe nu na kɔɔla ma. Baa fan nu findixi e naaninyi nan na. Manasi xa bɔxi kɔɔla ma, nu na Aseri xa bɔxi nan seeti ma. A sogetede biri nu na Isakari xa bɔxi nan seeti ma.

¹¹Manasi naxa taa ndee sɔtɔ Isakari nun Aseri xa bɔxie kui. E xili nan ya: Beti Saan, Yibeleyami, Dɔrɔ, En Dɔrɔ, Taanaki, nun Megido, nun e daaxae. Na saxanyi dɔnxɛe nu na Dɔrɔ xa mangeya nan bun ma. ¹²Manasi bɔnsɛ mu nɔ na taae ra, Kanaan mixie naxa lu naa. ¹³Kɔnɔ Isirayilakae to senbe sɔtɔ, e naxa konyiya dɔxo Kanaankae ma, kɔnɔ e mu nɔ e keride.

¹⁴Yusufu xa die naxa Yosuwe maxɔrin, «I yi bɔxi kerenyi gbansan fixi muxu ma munfe ra? Muxu xabile wuya, barima Alatala bara barake sa muxu xa fe a fanyi ra.» ¹⁵Yosuwe naxa e yaabi, «Xa wo wuya Efirami geya yire be, wo xa siga Perisikae nun Refakae xa wondi yire, wo mɛnni masege alako wo xa bɔxi sɔtɔ.» ¹⁶Yusufu bɔnsɛ naxa a fala a be, «Yi geyae xurun muxu be. Kanaanka naxee fan sabatixi geyae bunyi, Beti Saan nun e daaxae, naxee na Yisireeli geya bunyi, geresoe ragise wure daaxi na e yi ra.» ¹⁷Yosuwe naxa Yusufu bɔnsɛ yaabi, «Efirmikae nun Manasikae, wo bara nɔndi fala kɔnɔ wo wuya, wo senbe fan gbo. A mu lanma wo xa ke dɔxode keren gbansan sɔtɔ. ¹⁸Wo na geyae findi wo gbe ra, hali wondi to a ra. Wo naa masege alako wo xa na tɔne sɔtɔ. Wo fama Kanaankae keride hali geresoe ragisee wure daaxi nan to na e yi ra.»

Bɔxi naxan luxi

18 ¹Isirayila pama to ge nɔde bɔxi ra, e naxa e malan Silo, e Ala xa hɔrɔmɔlingira ti naa. ²Isirayila bɔnsɛ solofere nu na na temui, naxee mu nu e gbe ke sɔtɔxi sinden.

³Yosuwe naxa a fala Isirayilakae be, «Wo dɔxɔxi be munfe ra? Munfe ra wo mu sigama wo xa bɔxi tongode wo benbae Marigi Alatala naxan fi wo ma? ⁴Yakɔsi wo xa mixi saxan sugandi bɔnsɛ birin ya ma. N xa e xɛɛ, e xa e bɔnsɛ xa bɔxi birin mato, e fa sa na dentɛge n be. ⁵Na bɔxi xa itaxun dɔxo solofere ra. Yuda bɔnsɛ xa lu na bɔxi yirefanyi ma, Yusufu bɔnsɛ fan xa lu na bɔxi kɔɔla ma. ⁶Wo na ge na bɔxi itaxunxi dɔxo solofere masende n be, n fama nate tongode won Marigi Alatala xa mali saabui ra, alako nee xa itaxun wo ma. ⁷Kɔnɔ Lewi bɔnsɛ mu bɔxi yo sɔtɔma, barima e gbe ke findi serexedubɛna nan na Alatala be. Gadi, Ruben, a nun Manasi bɔnsɛ seeti singe jan bara e gbe sɔtɔ Yuruden xure kiri ma sogetede biri ra alɔ Annabi Munsa a fi e ma ki naxe.»

⁸Na kui na xɛmɛe naxa siga. Yosuwe nu bara e yamari, «Wo siga, wo bɔxi ipɛre. Wo xa a mato a na ki naxe. Na xanbi wo xa fa be Silo, n xa nate tongo won Marigi Alatala xa mali saabui ra, won na bɔxi itaxunma wo ma ki naxe.» ⁹Na xɛmɛe naxa siga bɔxi matode. E taa naxee to na yire solofere kui, e naxa nee birin xilie sebe, e fa a ra Yosuwe xɔn Silo yonkinde kui. ¹⁰Yosuwe naxa nate tongo Silo Alatala xa mali saabui ra. A naxa na bɔxi birin itaxun Isirayila bɔnsɛe ma.

Bunyamin bɔnsɛ xa bɔxi

¹¹Bunyamin bɔnsɛ xabillee birin naxa e gbe sɔtɔ Yuda bɔnsɛ gbe nun Yusufu xa die gbe tagi Alatala xa maragiri saabui ra. ¹²E xa naaninyi kɔɔla ma fɔlɔ Yuruden xure nan ma, a dangi Yeriko ra kɔɔla biri ra, a te geya ma sogekorode biri ra han a Beti Aweni gbengberenyi li. ¹³A keli mɛnni, a dangi Lusi ra, naxan man xili Beteli, yirefanyi biri ra. A goro han Ataroti Adari, a te geya fari, naxan na Beti Xoron Labe yirefanyi ma.

¹⁴Na naaninyi naxa goro na geya fari a siga baa seeti xon ma sigafe ra Kiriyati Bali, naxan man xili Kiriyati Yeyarimi. Na taa findi Yuda xa die nan gbe ra. Naaninyi nan na ki naxan na sogegorode.

¹⁵Naxan na yirefanyi ma, a folo Kiriyati Yeyarimi ne, a siga sogegorode biri ra han a Nefetowa dulonyi li. ¹⁶Na naaninyi naxa goro menni, a siga han Ben Hinoma geya bunyi ra, Refakae xa gulunba kui koola mabiri. A keli menni, a goro Ben Hinoma geya bunyi ra, Yebusukae fe ma. A yirefanyi ma, a siga han En Rogeli. ¹⁷Na naaninyi sigaxi En Semesi koola biri ra, a siga Geliloti, naxan na Adumimi geya ya ra. A goro han Ruben xa di Bohan xa fanye ma. ¹⁸A dangi geya ra koola biri ra, geya naxan na Yuruden gulunba ya tagi. A goro Yuruden gulunba kui, ¹⁹a dangi Beti Xogala ra, koola biri ra. Na yirefanyi naaninyi danxi Yuruden xure sode nan ma Foxe Baa xun.

²⁰Yuruden xure findixi Bunyamin xabilee xa boxi naaninyi nan na sogetede biri ra. Bunyamin bõnsõe xa naaninyi birin nan na ki.

²¹Taa naxee fi Bunyamin bõnsõe xabilee ma, nee nan ya: Yeriko, Beti Xogala, Emeki Kesisi, ²²Beti Araba, Semarayima, Beteli, ²³Awimi, Para, Ofara, ²⁴Kefarahamoni, Ofini, nun Geba. Na birin lanxi taa fu nun firin nan ma, a nun e daaxae. ²⁵Gabayon, Ramati, Beeroti, ²⁶Misipa, Kefira, Mosa, ²⁷Rekemi, Yiripeeli, Tarala, ²⁸Sela, Elefi, Yebusu naxan man xili Darisalamu, Gibiya, a nun Kiriyati Yeyarimi lanxi taa fu nun naani nan ma a nun e daaxae. Bunyamin bõnsõe xabilee ke nan na ki.

Simeyõn bõnsõe xa boxi

19 ¹Boxi taxun firin nde kui, naxan nabaxi won Marigi Alatala xa mali saabui ra, Simeyõn bõnsõe naxa e gbe ke soto Yuda bõnsõe xa boxi kui. ²Taa naxee fixi Simeyõn bõnsõe ma, nee nan ya: Beriseeba, Seeba, Molada, ³Xasari Suwali, Bala, Esemi, ⁴Elitoladi, Betuli, Horoma, ⁵Sikilaga, Beti Marakaboti, Xasari Susa, ⁶Beti Lebayoti, a nun Saruxen. Na birin lanxi taa fu nun saxan nan ma, a nun e daaxae. ⁷Ayin, Rimõn, Eteri, nun Asan lanxi taa naani nan ma, a nun e daaxae. ⁸Na daaxae sigama han Baalati Beeri, naxan nu xili Ramati Negewi gbengberenyi ma. Simeyõn bõnsõe xabilee ke nan na ki. ⁹E ke nu na Yuda bõnsõe xa boxi nan kui, barima boxi naxan so Yuda bõnsõe yi ra, a nu gbo. Nde ba na boxi nan na, a naxa so Simeyõn bõnsõe yi ra.

Sabulon bõnsõe xa boxi

¹⁰Boxi taxun saxan nde naxa findi Sabulon bõnsõe xabilee gbe ra Alatala xa maragiri saabui ra. E xa boxi naaninyi sigaxi han Saridi, ¹¹a te Marala sogegorode, han Dabeseti, a man siga xure de ra naxan na Yokanayimi ya ra. ¹²A keli Saridi a a ibilin sogetede biri ra, a Kisiloti Taboro li. A siga han Daberati, han Yafiya. ¹³A tan na sogetede biri ra, a siga Gati Xeferi nun Eta Kasin. A na Rimõn li, a siga Neyi biri ra. ¹⁴Koola ma, na naaninyi nan sigaxi Xanatõn han a Yifita Eli gulunba li. ¹⁵E man naxa Katati, Nahalali, Simiron, Yidala, nun Beteleemu soto. Na birin nalanxi taa fu nun firin, a nun e daaxae. ¹⁶Sabulon bõnsõe xabilee ke nan na ki, e xa taee nun e daaxae.

Isakari bõnsõe xa boxi

¹⁷Boxi taxun naani nde naxa findi Isakari bõnsõe xabilee gbe ra Alatala xa maragiri saabui ra. ¹⁸E xa naaninyi naxa yi taee birin li: Yisireeli, Kesuloti, Sunemi, ¹⁹Xafarayimi, Siyon, Anaxarati, ²⁰Rabiti, Kisiyon, Abesi, ²¹Remeti, En Ganimi, En Xada, Beti Pasesi, ²²Taboro, Saxasima, nun Beti Semesi. Naaninyi

danxi Yuruden xure de nan na. E birin nalanxi taa fu nun senni, a nun e daaxae.

²³Isakari bɔnsɔɛ xabilɛɛ ke nan na ki, e xa taaɛ nun e daaxae.

Aseri bɔnsɔɛ xa bɔxi

²⁴Bɔxi taxun suuli nde naxa findi Aseri bɔnsɔɛ xabilɛɛ gbe ra Alatala xa maragiri saabui ra. ²⁵E xa naaninyi na yi taaɛ nan na: Xɛlɛkati, Xali, Beten, Akisafa, ²⁶Alameleki, Amada, nun Misala. E xa naaninyi sogegorode biri na Karemele geya nun Sixori Libanati xure nan na. ²⁷E xa naaninyi sogetede biri fɔlɔxi Beti Dagɔn nɛ, Sabulon bɔnsɔɛ na dɛnnaxe, nun Yifita Eli gulunba. A siga kɔɔla ma Beti Emeki nun Neyiyeli. A dangi Kabulu ra kɔɔla biri ra. ²⁸A naxa siga Abadon, Rexobo, Xamɔn, nun Kanna, han Sidɔn taa xungbe. ²⁹Naaninyi keli Sidɔn, a siga Ramati nun Tire taa makantaxi mabiri. A siga Xosa, a mini Fɔxɛ Ye Baa ma Akisibu bɔxi ma, ³⁰Uma, Afeki, nun Rexobo taaɛ. E birin lanma taa mɔxɔɔnɛn nun firin nan ma, a nun e daaxae. ³¹Yi taaɛ nun daaxae birin findixi Aseri bɔnsɔɛ xabilɛɛ ke nan na.

Nafatali bɔnsɔɛ xa bɔxi

³²Bɔxi taxun senni nde naxa findi Nafatali bɔnsɔɛ xabilɛɛ gbe ra Alatala xa maragiri saabui ra. ³³Na bɔxi naaninyi naxa fɔlɔ Xelefa taa ma, a siga wuri bili belebele nde ma naxan na Saananimi. A dangi Adami Nekebi nun Yabaneeli ra, a Lakuma li, a siga han Yuruden xure de ra. ³⁴Na naaninyi naxa siga sogegorode biri ra han a Asanoti Taboro li, a sa mini Hulɔku taa ma. A Sabulon bɔnsɔɛ xa bɔxi li yirefanyi ma, a Aseri bɔnsɔɛ xa bɔxi li sogegorode biri ra. A Yuruden xure li sogetede biri ra. ³⁵Taaɛ nan ya tɛtɛ hagigɛɛ nu soxi naxɛɛ ra: Sidima, Sere, Xamata, Rakati, Kinereti, ³⁶Adama, Ramati, Xasori, ³⁷Kedesi, Edereyi, En Xasori, ³⁸Yirɔn, Migidali Eli, Xoremi, Beti Anati, Beti Semesi. Na birin lanxi taa fu nun solomanaani nan ma, a nun e daaxae. ³⁹Nafatali bɔnsɔɛ xabilɛɛ ke nan na ki.

Dana bɔnsɔɛ xa bɔxi

⁴⁰Bɔxi taxun solofere nde naxa findi Dana bɔnsɔɛ xabilɛɛ gbe ra Alatala xa maragiri saabui ra. ⁴¹E xa bɔxi naaninyi na yi taaɛ nan na: Soraha, Esetayoli, Iri Semesi, ⁴²Saalabin, Ayalon, Yitila, ⁴³Elon, Timina, Ekiron, ⁴⁴Eliteke, Gibɛtɔn, Baalati, ⁴⁵Yehudu, Beneberaki, Gati Rimɔn, ⁴⁶Yarakɔn dulonyi, Rakɔn, nun bɔxi naxan na Yafa ya ra. ⁴⁷Kɔnɔ na bɔxi kanyie man naxa gbilen e xa bɔxi ma. Na kui Dana bɔnsɔɛ naxa siga Lesemi geredɛ. E naxa naa masɔɔ, e mɛnnikae faxe santidegema ra. E sabati mɛnni, e fa e baba Dana xili sa naa xun. ⁴⁸Yi taaɛ nun daaxae birin findixi Dana xabilɛɛ ke nan na.

Yosuwe xa bɔxi

⁴⁹E to ge e xa bɔxi itaxunde, e naxa Nunu xa di Yosuwe kɛ fi a ma e tagi Alatala xa maragiri saabui ra. ⁵⁰Yosuwe taa naxan maxɔrin e ma, Timina Sera, e naxa na fi a ma alɔ Alatala a masen e bɛ ki naxe. Na taa na Efirami bɔnsɔɛ xa geya bɔxi nan kui. Yosuwe naxa taa ragbilen a nɛnɛ ra, a sabati naa. ⁵¹Serɛxɛdube Eleyasari, Yosuwe, nun Isirayila bɔnsɔɛ xabilɛ kuntigie bɔxi itaxun Alatala xa mali saabui ra na ki nɛ, a xa hɔrɔmɔlingira naade ra naxan nu na Silo.

Yɛtɛ ratanga taaɛ

20¹Alatala naxa a masen Yosuwe bɛ, ²«A fala Isirayilakae bɛ e xa taa ndɛɛ sugandi mixie ratangama dɛnnaxe, alɔ n a fala Annabi Munsa bɛ ki naxe. ³Xa mixi ndɛ sa a boore ndɛ faxe, kɔnɔ a fa a li a mu a rakelixi a ma, a xa a gi, a siga na taa ndɛ a ratangama gbɛɔxɔɔɛ ti ma dɛnnaxe. ⁴A na na taa li tɛmɛi naxe, a xa ti naa sode dɛ ra, a fa a dɛntɛge forie bɛ. Nɛɛ xa a raso taa kui, e a yigiya e

xonyi. ⁵ Xa gbeɲɔxɔɛ ti sa siga naa, e naxa na faxeti so a yi ra de, barima na faxe mu kelixi ɲanige xa ma. ⁶ Faxeti xa lu na taa kui han a xa makiiti mennikae ya xɔri. E xa a lu na taa kui han serexɛdube kuntigi faxama temui naxe. Na xanbi na mixi xa gbilen a xonyi, a kelixi dennaxe.»

⁷ E naxa yi taee sugandi: Kedesi naxan na Galile bɔxi ma Nafatali geyae na dennaxe, Sikemi naxan na Efirami geyae fari, Kiriyaṭi Araba naxan xili Xebiron, naxan na Yudaya geyae ma. ⁸ E naxa taa gbeteɛ fan sugandi Yuruden xure kiri ma sogetede biri ra: Beteseri, naxan na Ruben xa gbengberenyi ma, Ramoti naxan na Galadi bɔxi ma, Gadi bɔnsɔɛ na dennaxe, Golan naxan na Basan bɔxi ma, Manasi bɔnsɔɛ na dennaxe. ⁹ Taee nan na ki naxee sugandixi Isirayilakae nun e xa xɔɲee be, alako naxan na mixi faxa, kɔɲɔ a mu a rakelixi a ma, a xa a yete ratanga gbeɲɔxɔɛ ti ma mɛɛni. Na kui mixi mu faxama gbeɲɔxɔɛ ti saabui ra, beenun ɲama xa a makiiti.

Lewi bɔnsɔɛ xa taee

21 ¹ Lewi bɔnsɔɛ kuntigie naxa siga serexɛdube Eleyasari, Nunu xa di Yosuwe, nun Isirayila bɔnsɔɛ xabile kuntigie xɔn ma Silo taa kui Kanaan bɔxi ma.

² E sa a fala e be, «Alatala a masen ne nu Annabi Munsa be a muxu xa taee sɔɲɔ muxu sabatima dennaxe, a nun muxu xa fiilie fan sɔɲɔ muxu xa xurusee be.» ³ Na kui Isirayilakae naxa yi taee nun yi fiilie fi Lewi bɔnsɔɛ ma, e xa findi e ke ra alɔ Alatala a yamari ki naxe.

⁴ Kehati xabile gbe nan ya: Serexɛdube Haruna xa die naxa taa fu nun saxan sɔɲɔ Yuda bɔnsɔɛ xa taee ya ma, Simeyɔn bɔnsɔɛ gbee ya ma, nun Bunyamin bɔnsɔɛ gbee ya ma. ⁵ Kehati xabile, naxee nu luxi, nee naxa taa fu sɔɲɔ Efirami bɔnsɔɛ gbee ya ma, Dana bɔnsɔɛ gbee ya ma, nun Manasi bɔnsɔɛ seeti boore gbee ya ma. Na nate birin tongoxi Ala xa maragiri saabui ra.

⁶ Gerison xa die naxa taa fu nun saxan sɔɲɔ Isakari bɔnsɔɛ gbee ya ma, Aseri bɔnsɔɛ gbee ya ma, Nafatali bɔnsɔɛ gbee ya ma, a nun Manasi bɔnsɔɛ seeti singe naxan na Basan bɔxi ma, na gbee ya ma. Na nate birin tongoxi Ala xa maragiri saabui ra.

⁷ Merari xa die naxa taa fu nun firin sɔɲɔ e xabile ki ma Ruben bɔnsɔɛ gbee ya ma, Gadi bɔnsɔɛ gbee ya ma, nun Sabulon bɔnsɔɛ gbee ya ma. Na nate birin tongoxi Ala xa maragiri saabui ra.

⁸ Na kui Isirayilakae naxa yi taee nun e fiilie fi Lewi bɔnsɔɛ ma alɔ Alatala a yamari ki naxe Annabi Munsa saabui ra. ⁹ Taa naxee fixi e ma Yuda nun Simeyɔn bɔnsɔɛ ya ma, nee nan ya. ¹⁰ Haruna xa die gbe, naxee keli Kehati xabile, nee naxa yi taee sɔɲɔ Ala xa maragiri saabui ra sugandi singe kui: ¹¹ Kiriyaṭi Araba, naxan findi Xebiron na, a nun fiili naxee na Yudaya geya bɔxi rabilinyi ma. Araba findi Anakie benba nan na. ¹² Daaxae nun taa xunxuri naxee na taa fari ma nee findi Yefune xa di Kalebi gbee nan na.

¹³ E taa naxee fi serexɛdube Haruna xa die ma, nee nan yi ki: Xebiron, mixi ratanga taa nde, Libina, ¹⁴ Yatiri, Esitemowa, ¹⁵ Xolon, Debiri, ¹⁶ Ayin, Yuta, nun Beti Semesi, nun e fiilie. Na birin nalanxi taa solomanaani, kelife yi bɔnsɔɛ firinyi ma.

¹⁷ E naxa yi taee sɔɲɔ Bunyamin bɔnsɔɛ xa bɔxi kui: Gabayon, Geba, ¹⁸ Anatɔti, Alamɔn, nun e fiilie. Na birin nalanxi taa naani. ¹⁹ Serexɛdube Haruna xa die naxa taa fu nun saxan sɔɲɔ, nun e fiilie.

²⁰ Lewika naxee kelixi Kehati xa di booree ya ma, Ala xa maragiri naxa a niya nee naxa taee sɔɲɔ Efirami bɔnsɔɛ ya ma. ²¹ Na taee nan ya: Sikemi naxan na Efirami geya bɔxi fari, mixi nɔma ratangade gbeɲɔxɔɛ ti ma dennaxe, Geseri, ²² Kibisayimi, Beti Xoron, nun e fiilie. Na birin nalanxi taa naani. ²³ E naxee sɔɲɔ

Dana xa bōxi kui, nee nan ya: Eliteke, Gibetōn, ²⁴ Ayalon, Gati Rimōn, nun e fiilie. Na birin nalanxi taa naani. ²⁵ E naxee sōto Manasi bōnsōe seeti boore xa bōxi kui, nee nan ya: Taanaki, Gati Rimōn, nun e fiilie. Na birin nalanxi taa firin. ²⁶ Yi taa fu nun e fiilie naxa findi Kehati xa die xabillee gbe ra naxee mu nu na Haruna xa die ya ma.

²⁷ Gerison xabillee naxa taae sōto Manasi bōnsōe seeti singe ya ma. E xili Golan, mixi ratanga taa nde naxan na Basan bōxi ma, Besetera, nun e fiilie. Na birin nalanxi taa firin. ²⁸ E naxee sōto Isakari bōnsōe xa bōxi kui, nee nan ya: Kisiyon, Daberati, ²⁹ Yaramuti, Ganimi, nun e fiilie. Na birin nalanxi taa naani. ³⁰ E naxee sōto Aseri bōnsōe xa bōxi kui, nee nan ya: Misala, Abadon, ³¹ Xelekati, Rexobo, nun e fiilie. Na birin nalanxi taa naani. ³² E naxee sōto Nafatali bōnsōe xa bōxi kui, nee nan ya: Kedesi, mixi ratanga taa nde naxan na Galile bōxi kui nun a fiilie, Xamōti Dorō nun a fiilie, Karatan nun a fiilie. Na birin nalanxi taa saxan.

³³ Gerison xabillee naxa taa fu nun saxan sōto nun e fiilie. ³⁴ Lewikae naxee luxi, Merari xabillee ra, e naxee sōto Sabulon bōnsōe ya ma, nee nan ya: Yokanayimi, Karata, ³⁵ Dimina, Nahalali, nun e fiilie. Na birin nalanxi taa naani. ³⁶ E naxee sōto Ruben bōnsōe xa bōxi kui, nee nan ya: Beteseri, Yahasi, ³⁷ Kedemoti, Mefaati, nun e fiilie. Na birin nalanxi taa naani. ³⁸ E naxee sōto Gadi bōnsōe xa bōxi kui, nee nan ya: Ramoti, mixi ratanga taa nde naxan na Galadi bōxi kui, Maxanayimi, ³⁹ Xesibon, Yaaseri, nun e fiilie. Na birin nalanxi taa naani. ⁴⁰ Taa naxee birin fixi Merari xabillee ma, e ralanxi taa fu nun firin. ⁴¹ Taa naxee birin fixi Lewi bōnsōe ma Isirayilakae xa bōxi kui, e ralanxi taa tongo naani nun solomasaxan, nun e rabilinyie. ⁴² Fiilie nu na taae birin nabilinxi.

⁴³ Alatala naxa na bōxi birin fi Isirayilakae ma alō a a laayidi e benbae bē ki naxe. Na bōxi birin naxa findi e gbe ra, e naxa sabati naa. ⁴⁴ Alatala naxa bōnsa fi e ma e naaninyi birin na, alō a a laayidi e benbae bē ki naxe. E yaxui yo mu nō xunnakeli sōtōde e xun, barima Alatala e yaxui birin sa nē e sagoe. ⁴⁵ Alatala xa laayidi birin naxa kamali Isirayilakae bē. Keren mu lu naxan mu kamali.

Serexebade yailanxi Yuruden

22 ¹ Na temui Yosuwe naxa Ruben bōnsōe, Gadi bōnsōe, nun Manasi bōnsōe seeti singe xili. ² A a fala e bē, «Alatala xa konyi Munsa fe naxan birin fala wo bē, wo bara na birin naba. Wo man bara bira n xui birin fōxō ra. ³ Wo mu wo ngaxakerenyie rabegnin yi xi wuyaxie bun ma han to. Wo Marigi Alatala yaamari naxan so wo yi ra, wo bara wo jengi sa a xōn ma. ⁴ Yakōsi wo Marigi Alatala bara malabui fi wo ngaxakerenyie ma, alō a a masen e bē ki naxe. Yakōsi wo siga wo xōnyi. Wo xa gbilen na bōxi ma Alatala xa konyi Munsa dēnnaxe soxi wo yi ra Yuruden kiri ma. ⁵ Wo xa meeni yi seriye nun yi yaamari rabafe ma, Alatala xa konyi Munsa naxan soxi wo yi ra. Wo xa wo Marigi Alatala xanu, wo xa bira a xa kira birin fōxō ra, wo xa wo jengi sa a xa yaamari xōn wo janige fiixe ra nun wo nii birin na.»

⁶ Yosuwe naxa duba e bē, e fa siga e xōnyi. ⁷ Annabi Munsa nu bara kē so Manasi bōnsōe seeti keren yi ra Basan. Yosuwe fan naxa kē so yi seeti boore yi ra e ngaxakerenyie fē ma Yuruden sogegorode. Yosuwe to nu e rasigama e xōnyi, a naxa duba e bē. ⁸ A naxe e bē, «Wo nun harige gbege xa gbilen wo xōnyi, nun xurusee, gbeti, xēma, yōxui, wure, nun dugie. Wo nun wo ngaxakerenyie xa wo yaxuie harige itaxun wo wasasoxi naxee.»

⁹ Ruben bōnsōe, Gadi bōnsōe, nun Manasi bōnsōe seeti singe naxa gbilen. E naxa keli Isirayilakae xun ma Silo, Kanaan bōxi ma, e siga Galadi bōxi ma, bōxi naxan findi e gbe ra Alatala xa yaamari bun ma Annabi Munsa saabui ra. ¹⁰ E to so

Yuruden nabilinyi Kanaan bɔxi ma, Ruben bɔnsɔɛ, Gadi bɔnsɔɛ, nun Manasi bɔnsɔɛ seeti singe naxa serɛxebade belebele yailan Yuruden xure dɛ ra.

¹¹ Isirayilakae to na mɛ, e naxa a fala, «Wo bara a to, Ruben bɔnsɔɛ, Gadi bɔnsɔɛ, nun Manasi bɔnsɔɛ seeti singe bara serɛxebade yailan Kanaan bɔxi ma, Yuruden taaɛ kui Isirayilakae fɛ ma.» ¹² Isirayilakae to na fe kolon, e birin naxa e malan Silo alako e xa te e gereɛde.

¹³ Isirayilakae naxa Finexasi, serɛxedube Eleyasari xa di xɛɛ Galadi bɔxi ma, Ruben bɔnsɔɛ, Gadi bɔnsɔɛ nun Manasi bɔnsɔɛ seeti singe xɔn. ¹⁴ Mange fu, bɔnsɔɛ yo bɔnsɔɛ mange keren, naxa a mati. Nee birin nu findixi e xabile xunyie nan na Isirayilakae wulu wulu tagi.

¹⁵ E naxa siga Ruben bɔnsɔɛ, Gadi bɔnsɔɛ, nun Manasi bɔnsɔɛ seeti singe yire, Galadi bɔxi ma. Finexasi naxa a fala e be, ¹⁶ «Alatala xa pama birin yi nan masenxi, «Wo Isirayila Marigi Ala yanfaxi munfe ra? To, wo gbilenxi Alatala fɔxɔ ra munfe ra? Wo serɛxebade yailanxi munfe ra, naxan findixi Alatala matandife ra? ¹⁷ Won fe ɲaaxi naxan naba Peyori, han to won na na tɔɔɛ nan kui yi ki. Hali Alatala to ɲaxankate dɔxɔ a xa pama birin ma na fe ma, han to won mu nu seniyeɛ sinden.

¹⁸ To, wo bara muruta wo Marigi Alatala ma. Xa wo Alatala matandima to, tina a xa xɔnɛ fama nɛ dusude Isirayila pama nan birin xun ma. ¹⁹ Na kui, bɔxi naxan findi wo gbe ra, xa na mu seniyeɛxi, wo xa gbilen Alatala xa bɔxi ma, alako wo xa wo yete bɔxi sɔɔɔ muxu tagi. Kɔnɔ wo naxa Alatala nun Isirayilakae matandi serɛxebade yailanfe ra dɛ, naxan mu findixi won Marigi Alatala xa serɛxebade ra. ²⁰ Sera xa di Akan to tinxintareya raba se ratɔnxie ra, see ra a mu lan naxee xa tongo, Alatala naxa xɔnɔ Isirayilakae birin ma. A keren xa mu halaki a xa yunubi rabaxi ma.»

²¹ Ruben bɔnsɔɛ, Gadi bɔnsɔɛ, nun Manasi bɔnsɔɛ seeti singe naxa Isirayila mangɛɛ yaabi, ²² «Marigi Alatala, a tan nan na Mange Ala ra! A tan nan a kolon muxu yi rabaxi fe naxan ma. Isirayilaka birin fan fama a kolonde. Xa muxu bara Alatala matandi, xa muxu bara tinxintareya raba, muxu naxa kisi to lɔxɛ. ²³ Xa muxu serɛxebade yailanxi muxu yete nan be, alako muxu xa gbilen muxu Marigi Alatala fɔxɔ ra, muxu xa serɛɛ gan daaxi, serɛɛ ɲanigexi, nun xanunteya serɛɛ ba, Alatala yete yati nan fama muxu makiitide.»

²⁴ «Kɔnɔ na mɔɔli xa mu a ra. Muxu yi rabaxi nɛ barima muxu nu bara kɔntɔfili, tina wo xa die nɔma nɛ a falade muxu xa die be, «Dari mundun na wo tan nun Isirayila Marigi Alatala tagi? ²⁵ Alatala Yuruden nan findixi won naaninyi ra. Ruben bɔnsɔɛ nun Gadi bɔnsɔɛ, wo gbe yo mu na Alatala gbe ya ma.» Muxu xa die bama nɛ gaaxufe Alatala ya ra wo xa die saabui ra.»

²⁶ «Na kui muxu naxa a fala, won fan xa serɛxebade yailan. Serɛɛ gan daaxi nun serɛɛ mɔɔli gbete yo mu bama na, ²⁷ kɔnɔ na xa findi seede ra wo tan nun muxu tan tagi, wo bɔnsɔɛ nun muxu bɔnsɔɛ tagi hali won tan dangi xanbi, muxu Alatala rabatuma serɛɛ gan daaxi, serɛɛ ɲanigexi, nun xanunteya serɛɛ ra a xa hɔɔmɔlingira ya ra. Na temui wo xa die naxa fa sa a fala muxu xa die be, «Wo gbe yo mu na Alatala gbe ya ma.» ²⁸ Muxu bara a fala, tina, xa e sa na wɔyenyi fala muxu be, xa na mu muxu xa die be, muxu fan e yaabima nɛ, «Wo Alatala xa serɛxebade keɲa mato, muxu babae naxan yailanxi. Serɛɛ gan daaxi nun serɛɛ mɔɔli gbete yo mu bama naa, kɔnɔ na xa findi seede ra wo tan nun muxu tan tagi.»

²⁹ Ala xa muxu tanga muxu bɔɲɛ ratefe ra Alatala xili ma. A xa muxu tanga muxu gbilenfe ra a fɔxɔ ra to lɔxɛ serɛxebade yailanfe ra, serɛɛ gan daaxie, serɛɛ ɲanigexie, nun xanunteya serɛɛ bama dennaxe. Nee bama won Marigi Alatala xa serɛxebade gbansan nɛ, naxan na won Marigi Alatala xa hɔɔmɔlingira ya ra.»

³⁰ Serɛxedube Finexasi, mangedie nun Isirayila wulu wulu mangɛɛ to yi masenyi mɛ, Ruben bɔnsɔɛ, Gadi bɔnsɔɛ, nun Manasi bɔnsɔɛ seeti singe naxan masenxi, e

bɔɲe naxa rafaŋ e ma. ³¹ Serexedube Eleyasari xa di Finexasi naxa a masen Ruben bɔnsɔɛ, Gadi bɔnsɔɛ, nun Manasi bɔnsɔɛ sɛti singe bɛ, «Muxu bara a kolon Alatala na won ya ma to lɔxɛ, barima wo mu tinxintareya rabaxi Alatala ra. Wo bara Isirayilakae ratanga Alatala belexe i.»

³² Serexedube Eleyasari xa di Finexasi nun mangɛe naxa keli Galadi bɔxi ma, Ruben, nun Gadi bɔnsɔɛ nu na dennaxe, e gbilen Kanaan bɔxi ma Isirayilakae yire, e dentege sa e bɛ. ³³ Yi dentege naxa rafaŋ Isirayilakae ma, e naxa Ala tantu. Gere sofe, e xa Ruben nun Gadi xa bɔxi sɔntɔ, na mapɔxunyi mu lu e yi sɔntɔ. ³⁴ Ruben nun Gadi bɔnsɔɛ naxa yi xili sa na serexɛbade xun ma: «A tan nan na won tagi seede ra a Alatala nan na Ala ra.»

Yosuwe xa masenyi dɔnxɛ

23 ¹ Temui gbege dangi nɛ kafi Alatala naxa malabui fi Isirayila nama ma, a ratangafe a yaxuie ma a rabilinyi. Yosuwe nu bara fori, a xa simaya nu bara bu. ² Na kui Yosuwe naxa Isirayila birin malan, a forie, a mangɛe, a kiitisae, nun a sɔɔri mangɛe. A naxa a fala e bɛ, «N bara fori, n ma simaya bara a ikuya. ³ Wo bara a to wo Marigi Alatala fe naxan birin nabaxi yi sie ra wo xa fe ra. Wo Marigi Alatala nan gere soxi wo bɛ.»

⁴ «Wo a mato, n bara kɛ bɔxi so wo yi ra, Ala naxan panigexi wo bɔnsɔɛe bɛ. Na bɔxi birin, sie gbeteɛ nu dennaxe, nun dennaxe suxu daaxi luxi, Yuruden nun Baa Xungbe longori soggorode, n bara na birin itaxun wo ma. ⁵ Wo Marigi Alatala e makuyama nɛ wo ra pon, a e faza wo ya ra, wo fa e xa bɔxi tongo alɔ wo Marigi Alatala a masen wo bɛ ki naxe.»

⁶ «Wo wo senbe so. Wo xa wo mɛni seriye birin nabatufe ma naxan sebɛxi Tawureta Munsa kui. Wo naxa binya yirefanyi ma, wo naxa binya kɔɔla ma. ⁷ Wo naxa sunbu yi sie ra, naxee luxi wo ya ma. Wo naxa e xa alae maxandi, wo naxa wo kali e xili ra. Wo naxa e batu, wo naxa wo tuubi e bɛ. ⁸ Kɔnɔ wo tan xa wo tagi ixiri wo Marigi Alatala xa fe ra, alɔ wo bara fa a raba ra ki naxe han to.»

⁹ «Alatala bara si gbangbalanyi senbemaɛ halaki wo ya ra, keli na ma, han to, mixi keren mu nɔxi tide wo ya ra. ¹⁰ Wo ya ma, mixi keren nu mixi wulu nan kerima, barima wo Marigi Alatala nan nu gere soma wo bɛ alɔ a a laayidi wo bɛ ki naxe. ¹¹ Wo xa wo jɛngi sa wo yete kan xɔn ma a fanyi ra, wo xa wo Marigi Alatala xanu.»

¹² «Kɔnɔ xa wo wo kobe ti wo Marigi Alatala ra, wo naxa bira si gbeteɛ fɔxɔ ra naxee luxi wo ya ma, wo naxa sunbu e ra, wo naxa e xa di ginɛe dɔxɔ, ¹³ wo xa a kolon wo Marigi Alatala mu fama yi sie ragide wo ya ra sɔntɔ. E findima wo bɛ yeɛ nun gantanyi nan na, e findi luxusinyi ra wo fari, e findi tunbe ra wo ya kui, han wo birin ge halakide yi bɔxi fanyi ma wo Marigi Alatala naxan fixi wo ma.»

¹⁴ «A gbe mu luxi n xa faza alɔ nimase birin naxee na dunija bende fuɲi fari. Wo xa a kolon wo bɔɲe kui, wo nii birin na, wo Marigi Alatala laayidi yo naxan tongoxi wo bɛ, na mu kanama. A xa laayidi birin bara kamali, keren mu kanaxi. ¹⁵ Wo xa a kolon wo Marigi Alatala a xa laayidi fanyi rakamalixi ki naxe, a man fama a xa laayidi jaxankate daaxi rakamalide na ki nɛ, han a ge wo halakide yi bɔxi fanyi ma a dennaxe fixi wo ma. ¹⁶ Xa wo tondi yi saate rakamalide wo Marigi Alatala wo yamarixi naxan na, xa wo wo tuubi ala gbeteɛ bɛ, wo naxa wo felen e bɛ, Alatala xɔnɔma nɛ wo ma, wo fa halaki, a wo ralɛ yi bɔxi fanyi ma, a dennaxe fixi wo ma.»

Malanyi dɔnxɛ Sikemi

24 ¹ Yosuwe naxa Isirayila bɔnsɔɛ birin malan Sikemi, a fa Isirayila forie, a mangɛe, a kiitisae, nun a sɔɔri mangɛe maxili, e birin naxa sa e yete dentege

Ala be. ²Yosuwe naxa a masen jama birin be, «Isirayila Marigi Alatala xui nan ya, «Wo benba Tera nun a xa die Iburahima nun Naxori nu sabatixi kafi temui xonkuye xure kiri ma, e nu ala gbete nan batuma. ³N naxa wo baba Iburahima tongo xure kiri ma, muxu naxa Kanaan boxi birin isa, n fa a bonsoe iwuya. N naxa a xa di Isiyaga fi a ma, ⁴n fa a niya Isiyaga xa a xa die Yaxuba nun Esayu bari. N naxa Seyiri geya boxi so Esayu yi ra, konso Yaxuba nun a xa die tan naxa goro Misira boxi ma.»

⁵«N naxa Munsa nun Haruna xee Misira boxi ma, n fa paxankate wuyaxi doko Misirakae ma e saabui ra. Na kui n naxa wo ramini Misira ra. ⁶N to wo babae ramini, Misirakae naxa bira e foko ra han Xulunyumi Baa de ra. E bakixi soori ragisee nun soe fari. ⁷Wo babae to gbelegbele Alatala ra, a naxa dimi rasin e nun Misirakae tagi. Misirakae to bira wo babae foko ra baa tagi, Alatala naxa baa radin e xun ma. Wo yae bara na birin to, a naxan nabaxi Misirakae ra. Na dangi xanbi, wo naxa temui xonkuye raba gbengberenyi ma.»

⁸«N naxa wo xanin Amorikae xa boxi ma dennaxe na Yuruden kiri ma. E naxa wo gere, konso n naxa e sa wo belexe i, n e keru wo ya ra, wo fa e xa boxi masoto. ⁹Siporo xa di Balaki, naxan findixi Mowaba mange ra, a fan naxa keli a xa Isirayila gere. A naxa Beyori xa di xeme Balami xili, alako a xa wo danka, ¹⁰konso n to mu wa n tuli matife na danke ra, Balami xa woyenyi naxa mafindi, a fa duba wo be. Na kui n naxa wo ba a belexe i.»

¹¹«Wo to Yuruden igiri, wo naxa Yeriko li. Yerikokae naxa wo gere, alu Amorikae, Perisikae, Kanaankae, Xitikae, Girigasakae, Hiwikae, nun Yebusukae fan nabaxi ki naxe, konso n naxa e birin sa wo belexe i. ¹²N fa juri nde radin Amori mange firinyie ma wo ya ra. A naxa e keru, konso na mu findi wo yete xa santidegema nun wo xa xali ra. ¹³N boxi nan fixi wo ma wo mu naxee rawalixi. N taae nan fixi wo ma, wo mu naxee tixi. N weni bilie nun oliwi bilie nan fixi wo ma, wo mu naxee sixi. Wo na balofe nee nan xun na yi ki.»

¹⁴«Yakosi wo xa gaaxu Alatala ya ra, wo xa a rabatu janige fanyi nun tinxinyi ra. Wo xa gbilen na alae foko ra wo babae naxee batuxi xure kiri ma nun Misira boxi ma. Wo xa Alatala batu! ¹⁵Xa wo mu tinma na ra, wo xa nate tongo wo alae naxee batuma, alu Amorikae xa alae e naxee batuma yi boxi ma, xa na mu alae wo babae nu naxee batuma xure kiri ma. Konso wo xa a kolon a n tan nun n ma denbaya, muxu Alatala nan batuma.»

¹⁶Nama naxa a yaabi yi woyenyie ra, «Na xaxili makuya muxu ra gbilenfe ra Alatala foko ra, muxu mu noma birade ala gbete foko ra, ¹⁷barima Alatala nan na won Marigi Ala ra. A tan nan muxu ramini Misira boxi ra, konyiya kui, muxu tan nun muxu babae. A gere so ne muxu be muxu ya xori yi kaabanako belebele ra. A naxa muxu kanta muxu xa jere birin kui, nun jamae tagi muxu dangixi naxee birin na. ¹⁸Alatala bara jama birin keru muxu ya ra, a nun Amorikae naxee sabatixi yi boxi ma. Muxu tan fan Alatala nan batuma, barima a tan nan na muxu Marigi Alatala ra.»

¹⁹Yosuwe naxa a fala jama be, «Wo mu noma Alatala batude, barima Alatala seniye, Ala tonexi na a ra. A mu dipema wo xa matandi nun wo xa yunubi ma. ²⁰Xa wo Alatala finsiriwali birafe ala gbete foko ra, a gbilenma ne a xa fe fanyie foko ra a nu naxee rabama wo be, a fa gbaloe ramini wo ma, han a wo rapon.»

²¹Nama naxa a fala Yosuwe be, «Ade, muxu Alatala nan batuma.» ²²Yosuwe naxa a fala jama be, «Wo bara findi wo yete kan ma seedee ra. Wo tan nan yete yati Alatala sugandixi alako wo xa a batu.» E naxa Yosuwe yaabi, «Muxu bara findi seedee ra.» ²³Yosuwe man naxa a fala e be, «Yakosi wo xa gbilen ala gbete foko ra, naxee na wo tagi. Wo xa wo xaxili ti Alatala ra, Isirayila Marigi Ala.» ²⁴Nama naxa a fala Yosuwe be, «Muxu muxu Marigi Alatala nan batuma, muxu a xui rabatu.»

²⁵ Na lɔxɔɛ, Yosuwe nun pama naxa saata. A naxa seriye nun yaamarie so pama yi ra Sikemi. ²⁶ Yosuwe naxa yi fe birin seɓe Ala xa Seriye Kitaabui kui. A naxa gema belebele tongo, a naxa a ti wuri tofanyi bun ma naxan nu na Alatala xa hɔrɔmɔlingira yire. ²⁷ Yosuwe fa a fala pama ɓe, «Wo bara yi gema to? A findima won ɓe seede nan na, barima a bara wɔyenyi birin me, Alatala naxan masenxi won ɓe. A findima seede nan na won ɓe, alako wo naxa wo kobe so wo Marigi Alatala ra.» ²⁸ Na kui Yosuwe naxa pama lu, e birin naxa siga e xa ɓɔxi ma dennaxe findi e ke ra.

Yosuwe xa saya

²⁹ Yi fe to dangi, Nunu xa di Yosuwe, Alatala xa konyi, naxa laaxira a xa simaya je keme je fu ma. ³⁰ A naxa ragata ɓɔxi ma a ke naxan na, Timina Sera, Eframi geyae biri ra, Gaasi geya kɔɔla biri ra. ³¹ Isirayila Alatala batu ne Yosuwe xa simaya birin kui, a nun forie xa simaya birin kui, Yosuwe singe faxe naxee ɓe, naxee nu fe birin kolon Alatala naxan naba Isirayilakae ɓe.

³² Isirayilakae Yusufu xɔri naxee xanin e xun ma keli Misira, e sa e ragata Sikemi ɓɔxi nan ma, Yaxuba ɓɔxi naxan sara Xamori xa die ma, Sikemi baba ma, mennikae xa kɔbiri kole keme ra. Na bara findi Yusufu xa die ke ra. ³³ Haruna xa di Eleyasari fan naxa faxe. E naxa a ragata a xa di Finexasi xa geya fari, dennaxe nu bara findi a ke ra Eframi ɓonsɔɛ xa ɓɔxi ma geya longori.